



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 80 1 2 3 4 5 6 7 8 9

C40-4514

了翁上座諸大歲及有
家書置之武州紫雲山
我微笑塔院庭中木
為學者不敢許出門內
當山二世鐵牛機謹識



B 64863

妙法蓮華經台宗會義卷二之餘

古吳後學萬益智旭述

(五) 中根領解白佛自陳中二重頌二。初頌法說。

頌譬說

(癸) 今初

爾時摩訶迦葉欲重宣此義而說偈言

我等今日聞佛音教歡喜踊躍得未曾有。佛說聲聞當得作佛無上寶聚不求自得

(癸) 二頌譬說。初頌立譬。二頌法合。

(壬) 初中四。

初頌父子相失。二頌父子相見。三頌追誘。四頌

領付家業。(五)初又四初頌子背父去。二頌求

子中止。三起頌。其父憂念。四追頌遇到父城。

(寅)今初

譬如童子。幼稚無識。捨父逃逝。遠到他土。周流諸國五十餘年。

周流諸國。譬輪廻三界。五十餘年。譬備經六趣也。

(寅)二頌求子中止

其父憂念。四方推求。求之既疲頓止。一城造立舍宅。五欲自娛。其家巨富。多諸金銀。碑碣碼礪。真珠琉璃。

象馬牛羊。輦輿車乘。田業僮僕。人民衆多。出入息移。乃遍他國。商估賈人。無處不有。千萬億衆。圍繞恭敬。常爲王者之所愛念。羣臣豪族。皆共宗重。以諸緣故。往來者衆。豪富如是。有大力勢。

四方推求。譬觀四生。覓可度之機也。頓止一城。譬有餘國。方便淨涅槃也。起慈悲舍立性空宅。受用勝妙。五塵稱性法樂。良由佛居方便。是即實報。亦卽寂光故也。生譬法身。及自受用身。今是勝應故。爲王所愛念也。羣臣豪族。譬法身大士。往來者衆。

警諸土菩薩來往聽法

(寅)三超頌其父憂念

而年朽邁益憂念子。夙夜惟念死時將至。癡子捨我五十餘年。庫藏諸物當如之何。

(寅)四追頌遇到父城

爾時窮子求索衣食從邑至邑從國至國。或有所得或無所得。饑餓羸瘦體生瘡痏。漸次經歷到父住城歷十二處及十八界以求正道助道故云從邑至邑從國至國也。約有漏善。則或有所得。約無漏善。

則或無所得。無大乘法食爲饑餓。無大力用爲羸。無大功德爲瘦。迷于諦理而起見思爲體生瘡痏。初頌父子相失竟。

(丑)二頌父子相見二。初頌子見父。二頌父見子

(寅)今初

傭賃展轉遂至父舍。爾時長者於其門內施大寶帳處師子座。眷屬圍繞。諸人侍衛。或有計算金銀寶物。出內財產。注記參疏。窮子見父。豪貴尊嚴。謂是國王。若國王等。驚怖自怪。何故至此。覆自念言。我若久住。

或見逼迫強驅使作思惟是已馳走而去借問貧里欲往傭作

初二句頌見父之由次十句頌見父之相上明見父之處在於門側今言長者於其門內卽兼得處也菩薩行願多明事數故云計算以廣顯略爲注授決爲記四弘誓爲券修行爲疏次弟子見父下十四句頌生畏避可知

(寅)二頌父見子但頌見子處及見卽識不頌歡喜適願

長者是時在師子座遙見其子默而識之

二頌父子相見竟

(寅)三頌追誘二初頌旁人追二頌二人誘

(寅)今

初

卽勅使者追捉將來窮子驚喚迷悶躰地是人孰我必當見殺何用衣食使我至此長者知子愚癡狹劣不信我言不信是父

(寅)二頌二人誘二初頌雇作卽齊教領二頌教作

卽取意領

(卯)今初

卽以方便更遣餘人。眇目矬陋無威德者。汝可語之。云當相雇。除諸糞穢。倍與汝價。弟子聞之歡喜。隨來爲除糞穢淨諸房舍。

眇目。譬偏空小智。矬者。豎短譬不窮實相之源。陋者。橫狹譬不具萬善之飾。非四無所畏。故無威。非常樂我淨。故無德。淨諸房舍者。淨六根房五陰舍也。

卯二頌教作

長者於牖常見其子。念子愚劣。樂爲鄙事。於是長者

著弊垢衣。執除糞器。往到子所。方便附近。語令勤作。旣益汝價。并塗足油。飲食充足。薦席厚暖。如是苦言汝當勤作。又以輕語。若如吾子。

初二句。頌權智。久欲擬宜。次二句。頌久知小法。是其玩好。次四句。頌久知須歎三車。次十句。頌久知適願受行也。語字頌四念處。令勤作三字。頌四正勤。旣益汝價。六句。頌四如意足。塗足油者。油能除風。譬禪定。復能履水。譬神通。飲食卽米麵鹽醋。薦席厚暖。譬觀練熏修諸禪。如是苦言汝當勤作。結

前咄男子汝常此作等也。又以輒語若如我子。卽頌好自安意以下五根五力七覺八正等文。三頌追誘竟。

(丑)四頌領付家業二。初頌領業。二頌付業。 (寅)今

初

長者有智漸令人出。經二十年執作家事。示其金銀真珠玻瓈。諸物出入皆使令知。猶處門外。止宿草菴。自念貧事。我無此物。

初二句。頌心相體信。次六句。頌受命領知。後四句。

二頌無希取也。經二十年者。敎菩薩斷界外見思。與前二十年除糞不同。

(寅)二頌付業二。初頌正付業。二頌得付歡喜。

今初

父知子心漸已曠大。欲與財物。卽聚親族國王大臣。刹利居士。於此大衆。說是我子。捨我他行。經五十歲。自見子來已二十年。昔於某城而失是子。周行求索。遂來至此。凡我所有舍宅人民。悉以付之。恣其所用。二十年者。或約三乘自行。卽除糞二十年也。或除

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

糞之後。方名爲子。則以轉教執作名二十年。或約二乘之名爲二十年。

卯二頌得付歡喜

子念昔貧志意下劣。今於父所大獲珍寶。并及舍宅一切財物。甚大歡喜得未曾有。

初頌立警竟

子二頌法合三。初頌合相失相見。二頌合追誘。三

頌合領付家業

卯今初

佛亦如是。知我樂小

我樂小故。與父相失。佛知我故與子相見也。

丑二頌合追誘

未曾說言汝等作佛。而說我等得諸無漏。成就小乘聲聞弟子。

初二句頌合追。次四句頌合誘也。

丑三頌合領付家業二。初頌合領家業。二頌合付

家業

寅初中二。初頌合受命領知。二頌合心

無希取

卯今初

佛勅我等說最上道。修習此者當得成佛。我承佛教

爲大菩薩。以諸因緣種種譬喻。若干言辭說無上道。諸佛子等。從我聞法。日夜思惟。精勤修習。是時諸佛。卽授其記。汝於來世。當得作佛。一切諸佛秘藏之法。但爲菩薩演其實事。而不爲我說斯真要。

合中具合體信委業。今但頌合委業也。最上道。卽摩訶般若。

(卯)二頌合心無希取。此文則廣。又爲三。初牒譬總明無希取。二釋無希取意。三結無希取。

(辰)今

初

如彼窮子。得近其父。雖知諸物。心不希取。我等雖說佛法寶藏。自無志願。亦復如是。

(辰)二釋無希取意

我等內滅。自謂爲足。唯了此事。更無餘事。我等若聞淨佛國土。教化衆生。都無欣樂。所以者何。一切諸法皆悉空寂。無生無滅。無大無小。無漏無爲。如是思惟。不生喜樂。我等長夜。於佛智慧。無貪無著。無復志願。而自於法。謂是究竟。我等長夜。修習空法。得脫三界苦惱之患。住最後身。有餘涅槃。佛所教化。得道不虛。

60

70

1

2

3

4

5

6

7

8

9

80

1

2

3

4

5

6

7

8

9

80

1

2

3

4

5

6

7

8

9

則爲已得報佛之恩

初一偈。由具小斷故。不希大斷。次一偈。由具小智。故不欣大智。次二偈。釋成小斷。次偈半。釋成小智。次偈半。重釋小斷。後一偈。重釋小智也。

(辰)三結無希取

我等雖爲諸佛子等。說菩薩法。以求佛道。而於是法永無願樂。導師見捨觀我心故。初不勸進。說有實利。由我無願樂故。導師見捨。乃由觀我心非是慳大法也。初頌合領業竟。

(寅)二頌合付家業二。初頌合付業。二頌合歡喜。

(卯)今初先六句牒讐。後六句正合。

如富長者。知子志劣。以方便力。柔伏其心。然後乃付一切財物。佛亦如是。現希有事。知樂小者。以方便力調伏其心。乃教大智。

(卯)二頌合歡喜

我等今日得未曾有。非先所望。而今自得。如彼窮子。得無量寶。世尊我今得道得果。於無漏法。得清淨眼。我等長夜持佛淨戒。始於今日。得其果報。法王法中。

久修梵行。今得無漏。無上大果。我等今者。真是聲聞。以佛道聲。令一切聞。我等今者。真阿羅漢。於諸世間。天人魔梵。普於其中。應受供養。得道者。得實相道。得果者。分得無上菩提大乘習果。無漏法者。中道不漏。二邊得清淨眼者。分得佛眼。此明開佛知見也。淨戒成真實緣因。故得妙報。梵行成真實了因。故得妙果。所知所見。卽正因理。性法身德也。真是聲聞真阿羅漢者。圓初住位。一分真。一切分真。卽是分證十界三德。但就本位開。

顯故云聲聞阿羅漢也。初長文重頌正陳得解竟。

辛次十三偈歎佛恩深

世尊大恩。以希有事。憐愍教化。利益我等。無量億劫。誰能報者。手足供給。頭頂禮敬。一切供養。皆不能報。若以頂戴兩肩荷負。於恒沙劫。盡心恭敬。又以美膳。無量寶衣。及諸卧具。種種湯藥。牛頭栴檀。及諸珍寶。以起塔廟。寶衣布地。如斯等事。以用供養。於恒沙劫。亦不能報。諸佛希有。無量無邊不可思議大神通力。無漏無爲。諸法之王。能爲下劣。忍于斯事。取相凡夫。

60 1 2 3 4 5 6 7 8 9 70

1 2 3 4 5 6 7 8 9 80

隨宜爲說。諸佛於法得最自在。知諸衆生種種欲樂。及其志力。隨所堪任。以無量喻而爲說法。隨諸衆生宿世善根。又知成熟未成熟者。種種籌量分別知已。於一乘道隨宜說三。

世尊大恩者。一佛始建慈悲拔六道苦與四聖樂。普十法界入四弘中。此如來室恩。二如來行菩薩道示敎利喜。曾敎我大乘。雖復中忘。智願不失。蓋如來室清涼溫煖。大慈與樂恩。三衆生遭苦。視父而已。佛伺其宜。如犢逐母。備行六度以利衆生。蓋

如來室遮寒障。大悲拔苦恩。四佛成道已。應受寂滅無爲之樂。而隱其神德用。貧所樂法。五戒十善。令水灑面。令得醒悟。蓋是佛衣遮貪欲熱恩。五示老比丘像。方便附近。與一日價。蓋是佛衣除見寒愛熱恩。六過是已後心相體信。彈訶貶斥。令恥小慕大。蓋是佛衣遮醜陋恩。七命領家業。金銀庫藏。皆悉令知。蓋是佛衣與我莊嚴恩。八會親族定父子。付以家業。無上寶聚不求自得。蓋如來座恩。九。十。旣坐座已。身意泰然。快得安隱。以佛道聲。令

一切聞。普于天人。應受供養。蓋如來座令我具足自行化他恩。兩肩荷負等所不能報此之謂也。牛頭栴檀者。華嚴經云。出離垢山。若用塗身火不能燒。此中十恩。室三。衣四。座三。當知室得衣故有覆育之恩。室有座故成與拔之用。座假衣室令自他行成。衣假座室令初後理顯。是故三義合成為大恩。正論荷恩難報不得直以亡報釋之。二譬說周中。

第二明中根領解竟

妙法蓮華經台宗會義卷二之餘

卷三之一

釋信解品竟。次釋藥草喻品

藥草喻品第五

此中具山川雲雨。獨以藥草標名者。土地是能生雲雨。是能潤草木。是所生所潤。所生所潤。通皆有用。若從如來所述義邊。則盡大地無不是藥。而藥草用強。若從迦葉等正見是。譬有漏諸善。悉能除惡。而無漏爲最。今無漏衆中四大弟子。以譬領佛譬。深會聖心。佛讚善哉。甚爲希有。述其得解以喻其人。故稱藥草喻品。

世界

60 1 2 3 4 5 6 7 8 9 70 1 2 3 4 5 6 7 8 9 80

法華會義

十一

悉夫藥草叢育日久。一蒙雲雨。扶蔬曠曠。芽莖豐蔚于外力用。充潤于內。譬諸無漏住。最後身有餘涅槃。更不願求佛道。今得聞經。自乘佛乘。兼以運人。以佛道聲令一切聞。內外自他。具勝力用。故稱藥草喻品。爲人悉檀。夫藥草者能治四大。補養五臟。還年駐色。世藥三品下治四大中益五臟上可還年還真理年。俱非藥王。譬昔除四住病。養五分身。駐變易色。今蒙雲雨。忽成藥王。餌之徧治衆病。變體成仙。譬諸無漏聞經破無明惑。開佛知見。我等今日真是佛子。無上寶聚不求自得。故稱藥草喻。

品。知見合偏治譬。卽對治悉檀。開佛

約教者。三草

是藏教。小樹是通教。大樹是別教。地雨是圓教。昔未開顯。則權實迥異。今既開顯。則三草二木。同是一地所生。一雨所潤。根莖枝葉。四微何殊。應其歷五味以顯獨妙。本迹者。本住智地。曾施雲雨。迹爲草木。引彼增長。觀心如玄文利益妙後說。

(已) 譬說周四大段中。第三如來迹成爲二。初略述成。二廣述成。(庚) 初中二。初雙述善哉。二領所

不及

(辛) 今初

爾時世尊告摩訶迦葉及諸大弟子。善哉善哉。迦葉。善說如來真實功德。誠如所言。

迦葉居僧之首故別告之。信解具列四人。雖空生居首。然自陳之唱屬在迦葉。故今別告。又言及諸大弟子。信知得悟不但四人也。一善哉述其法譬兩處領實。一善哉述其法譬擬宜領實也。三藏之誘引領權也。方等之體信般若之轉教俱領權實也。法華之付財開權卽實也。辭致曲巧。故言善說。皆是佛法。故言真實功德。印劫說不能盡。

定不謬故云誠如所言

(辛)二領所不及

如來復有無量無邊阿僧祇功德。汝等若於無量億劫說不能盡。

云何不及。謂退進橫豎亦橫亦豎。非橫非豎皆不及也。所以者何。大雲普覆徧荷清涼。大雨俱霑無不蒙澤。咸令世間皆得知見。未曾有法。那忽齊教止領。二乘得益。不道人天小草。是爲退所不及。菩薩名上草。亦名小樹大樹。敷榮鬱茂。自他饒益。而

復不領。是爲進所不及。又十法界同成佛法界那。忽止領二乘。餘八法界都不涉言。是爲橫所不及。又七方便從淺至深。皆入真實那。忽止領二乘。餘五方便都不在言。是爲豎所不及。又三世利益偏于十方十界。未曾暫廢。都不涉言。是爲亦橫亦豎。領所不及。又山川谿谷等。總言一地。一地能生未嘗揀擇。草木種子皆依于地。更無餘依。一雲叆叇。無處不寄。一雨一味。不隔枯榮。普潤既同。普得增長。如來平等不可思議。實不先頓後漸。初三末一。

如龍興雲普雨。一切不從身心降。除熱得清涼。是爲五乘七方便。十方三世平等廣大。甚深博遠。不可思議。無有差別。是爲非橫非豎。領所不及。不及之言。非都頓奪。特以初心望後心。未窮極地。故云不盡耳。因緣又旣悟初阿。亦具後茶功德。但齊教之領未暇。進領橫豎周徧耳。約教又權行大士。宜應如此也。本迹觀心者。退進橫豎。亦橫亦豎。無差而差也。非橫非豎。差即無差也。觀心即空。則差即無差。觀心卽假。則無差即差。觀心卽中。則非差非無差。雙

照差與無差。今人僅讀一本四教儀，輒執別五時。
知如來三輪不思議化，若此。

初略述成竟

(庚)二廣述成二。初長文。二重頌。(辛)初中二。初正

明權實不可思議。二結歎述成。蓋旣廣明三草
二木差無差等。皆是迦葉領所不及。仍接引之。
故結歎云。汝等甚爲希有。能知如來隨宜說法。
能信能受。良以退進橫豎等。雖領不及。而舉其
大意不出權實故也。(壬)初中三。初法說。二立
譬。三法合。(癸)初又二。初明權實教不可思議。

二明權實智不可思議

子今初

迦葉當知。如來是諸法之王。若有所說皆不虛也。於
一切法。以智方便而演說之。其所說法。皆悉到於一
切智地。

此正總示以領所不及也。若據窮子之譬。則必先
擬以太後接以小。體信之後。方可領知。領知之後。
方可付業。自是鈍根聲聞。具歷五味受益之一途
耳。豈知如來是大法王。得自在。一音演說。隨類
各解。三草二木。受益不虛。以智方便而演說法。則

何權不施。寧止施三。所說皆到一切智地。則何實不顯。寧止二乘。故不可思議也。言一切智地者。究竟非二。故稱一。其性廣博。故稱切。寂而常照。故稱智。無住之本立。一切法故稱地也。

子二明權實智不可思議

如來觀知一切諸法之所歸趣。亦知一切衆生。深心所行。通達無礙。又於諸法究盡明了。示諸衆生。一切智慧。

此明權實諸教。所以皆悉不虛不可思議者。正由

如來權實之智不可思議故也。觀知一切諸法之所歸趣者。契權實理也。識淺深藥也。亦知一切衆生。深心所行。通達無礙者。契十界機也。識標本病也。一切諸法各有遠趣近趣。言近趣者戒善等趣。人天念處道品等趣。涅槃三祇六度趣。三藏佛果體觀無生趣。三乘共實相。次第三觀趣別教果頭妙覺。言遠趣者。舉手低頭皆緣因善性。隨聞一句。皆了因慧性。無不究竟趣于圓極佛果。夫一切諸法卽十界法也。深心所行卽十界機也。今云知所

歸趣通達無礙。則差卽無差。卽權而實矣。究盡明了。是實相理也。一切智慧是圓極智也。今云又于諸法。示諸衆生。則無差卽差。卽實而權矣。無差而差。奚止能誘窮子。差而無差。奚止局于次第五味。故不可思議也。初法說竟。

(癸)二立譬。二初明無差而差。譬卽實而權。二明差而無差。譬卽權而實。(子)初中二。初約能生所生明無差而差。二約能潤所潤明無差而差。

(丑)今初

迦葉譬如三千大千世界山川谿谷土地所生卉木叢林及諸藥草種類若干名色各異。

三千大千山川谿谷土地舉能生無差也。卉木叢林藥草舉所生差別也。三千大千譬衆生世間衆生無別法。依于五陰和合而立其名。三千大千亦無別法。依于山川谿谷土地而立其名。山譬色陰顯而可見。川譬受陰水流盈涸。谿譬想陰屈曲晦明。谷譬行陰幽隱難見。土地譬識陰通爲所依。如此五陰皆爲一切習因習果所依。猶彼山川谿谷

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9 80 1 2 3 4 5 6 7 8 9

土地皆爲一切草木種子根莖枝葉所依也。卉者草之總名。木者樹之總名。衆草爲叢。衆樹爲林。治病力用勝者稱之爲藥。今云藥草。且舉二乘無漏善也。五乘七方便等因果不同。故云種類若干。各有稱謂爲名。各有體相爲色。以要言之。十界因果諸法不離假名五陰。十萬八千有毒無毒藥品。不離大千土地。又三千大千可譬正因理性。通爲一切所依。山川谿谷土地可譬衆生果報五陰色心。卉木叢林可譬衆生十界習因。此三法不相離。習

因依報陰。報陰不出法性。如卉木依山川土地。山川土地依世界。此卽性德三因。法性卽正因。法身德果報卽緣因。解脱德習因卽了因。般若德。若以正因。望十界緣了。則無差而差。種類若干。名色各異。若以緣了。望理性正因。則差而無差。同歸一地。如此權實之境。不可思議。頓扣于佛。那獨約二乘自類領耶。

甲 工約能潤所潤明無差而差。大千世界。一時等澍其澤普洽。密雲彌布。遍覆三千大千世界。一時等澍其澤普洽。

卉木叢林及諸藥草。小根小莖小枝小葉。中根中莖中枝中葉。大根大莖大枝大葉。諸樹大小隨上中下各有所受。一雲所雨稱其種性而得生長。華果敷實密雲遍覆等澍普洽舉能潤無差也。根莖枝葉小中大等各有所受稱其種性。舉所潤差別也。雲有形色譬如來身密。彌布遍覆譬普現一切羣生之前又大慈等蔭卽譬意密。下文云雷聲遠震卽譬口密也。一時等澍譬八音四辯宣注法雨其澤普洽譬秘密不定二種化儀念念之中十界各得權。

實諸益非同迦葉所領次第五味僅僅先擬後引先施後廢而已。根譬信莖譬戒枝譬定葉譬慧。小譬人天信戒定慧。中譬二乘信戒定慧。大譬菩薩信戒定慧。諸樹大小卽通別二種菩薩於中又各論上中下。舉凡萬有不同之機咸于一時各有所受止一身雲一音演說能使小不過分大不減少稱其習報兩因種性而得生長使彼習果華敷報果果實如此權實之教不可思議普應羣機那獨約五味次第領耶初明無差而差譬卽實而權竟。

法華會記

地圖

(子)二明差而無差譬卽權而實

雖一地所生。一雨所潤。而諸草木各有差別。

若據文義似是結成無差而差。若論譬意則前譬

無差而差已竟。今意正顯三草二木各有差別。而

地與雨無差別也。一地所生者。譬道前心地所生

終因道後智地。此道前後各有通別。道後定在果

以等覺已前爲道前。此中須以博地凡夫無戒善

者爲道前。以五乘爲道中。所以道前道後真如之

理等皆是地。地體無別。然皆能生。故知衆生道前

心地矣。嘗不有能生性耶。而不能生不能成者必

假道後極果智地令生令成發心已

後究竟已前皆假智地而成熟之。一雨所潤者。

譬一音所宣。一乘法門。開發道中五乘善根。終是一

音平等之教。而諸草木各有差別者。譬五乘善

根蒙佛法雨。隨分增長。而不自知五種之因。皆依

一佛性。亦不自知五乘之教。皆是一大乘。亦不自

知同歸佛慧。唯有如來能知也。二立譬竟

(癸)三法合二。初合無差而差。二合差而無差

(子)

初中二。初正合。二提譬帖合

(丑)初又三。初先

音贊合能潤。二追合能生所生。三復合能潤所潤大

東京大學総合図書館所蔵

迦葉當知。如來亦復如是。出現於世。如大雲起。以大音聲普遍世界。天人阿修羅。如彼大雲遍覆三千大千國土。於大衆中而唱是言。我是如來。應供。正徧知明行足。善逝。世間解。無上士。調御丈夫。天人師。佛。世尊。未度者令度。未解者令解。未安者令安。未涅槃者令得涅槃。今世後世。如實知之。我是一切知者。一切見者。知道者。開道者。說道者。汝等天人阿修羅。皆應到此。爲聽法故。

此正合密雲彌布遍覆。兼合頌中雷聲遠震之譬。

以顯如來三密也。出現于世。卽應身出世。是身密也。如大雲起。舉譬帖合身密也。以大音聲普遍世界。天人阿修羅。卽是口密。頌中所謂雷聲遠震也。身口二密。皆由大慈所熏。所以應不失時。藥必應病。卽兼顯意密也。世界總舉三千大千六道四生。意含十法界也。天人阿修羅。別舉三善道能稟聲教之益。意譬三乘根性三十子也。如彼大雲徧覆等。舉譬帖合口密也。於大衆中而唱是言等。重明大音普徧略唱六種法門。集衆聽法。猶如雷聲遠

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

震也。一如來等是十號法門。二未度等是四弘法門。未度苦者。令得度苦。未解集者。令得解集。未安道者。令得安住道諦。未證滅諦涅槃者。令得證于涅槃。在因名爲僧。那僧涅此云弘誓。至果名爲大慈大悲。拔苦集慈與道滅也。此四既依四諦。四諦有生滅無生無量無作之不同。發心。尅果亦各有異。今自行唯圓化他用四。雖徧用四。四皆歸圓。若不歸圓。則非出世本意。若不用四。不能普徧收機也。三今世後世如實知之。是三達法門。通達三

世無有障礙。四我是一切知者。卽一心三智法門。五一切見者。卽具足五眼法門。六知道者等。卽三不護法門。知道謂意業隨智慧行。開道謂身業隨智慧行。說道謂口業隨智慧行也。問此一段文。舊用合注雨譬。今何不同。答下文隨其所堪而爲說法。正合注雨。此旣結明勸物聽受。况有大聲普唱之言。故知合雷聲也。

(寅)二追合能生所生

爾時無數千萬億種衆生來至佛所而聽法

衆生二字。卽合三千大千世界假名。兼得山川谿谷土地五陰。以假名實法。不相離故。無數千萬億種。卽合卉木叢林及諸藥草。通而言之。不出十法界機。別而言之。卽取五乘七方便。乃能受潤也。

(寅)三復合能潤所潤又二。初合能潤。二合所潤

卯今初

如來于時。觀是衆生諸根利鈍。精進懈怠。隨其所堪而爲說法。

此正合一時等澍譬也。然大雲雨之于如來說法

僅爲片喻。何以故。雲雨是衆生共業所感。卽是衆生識所變相。非情數攝。但屬無覆無記。所以不能觀根逗機。而于諸物或損或益。如來不爾。有大誓願。有大慈悲。有大智慧。雖亦由于衆生增上共業。感佛出世。雖亦各于衆生識上。自變佛相。而本質境是無漏善。全法報體所起應用。故能以妙觀察智觀。是衆生諸根利鈍。精進懈怠。隨以成所作智。隨其所堪而爲說法。仍卽大圓鏡智之所普持。平等性智之所印照也。于時者。衆生來至佛所聽法。

之時也。諸根利鈍者。不能受道爲鈍能受道者爲利。又不能秉戒者爲鈍能秉戒者爲利。不能修定者鈍。能修定者利。不能斷惑者鈍。能斷惑者利。出三界者利。析觀斷惑者鈍。體觀斷惑者利。保證真空者鈍。出假化物者利。二觀爲方便者鈍。直觀中道者利。傳傳不同。又五乘七方便人。各論利鈍也。精進懈怠亦爾。隨其所堪者稱。會機宜無增減之失也。此則始從華嚴終至般若。一一時中。秘密不定。一音說法。隨類各解。神力不共。不可思議。但令得益。

不令墮苦。故爲一時等澍。卽一時中。各具五味偏圓。徧逗衆生根性。乃至法華會中。五千退席。移置他方。雖一座席。名爲顯露。決定若望十方。不妨仍稱秘密。佛三密化。但同雲雨之普洽。而不同雲雨之無記。爲若此也。若據迦葉所領次第五時。何名一時等澍。而持土是普遍。則聞法者。乃至澍合
卯二合所潤普。俗。譬。持土。普。設。以至。惠。普。開。普。
種種無量。皆令歡喜。快得善利。是諸衆生聞是法已。現世安隱。後生善處。以道受樂。亦得聞法。旣聞法已。

離諸障礙。於諸法中。任力所能。漸得入道。
 此具明聞法三世種熟脫益。種種無量乃至現世
 安隱。合其澤普洽警也。後生善處乃至亦得聞法
 合稱其種性而得生長警也。既聞法已乃至漸令
 入道。合華果敷實譬也。皆令歡喜。是世界益。安隱
 生善是爲人益。離諸障礙是對治益。漸得入道是
 第一義益。且約今初聞法而種善根者。次世熟後
 世脫。或過去已種。則今熟次脫。或過去已熟。則今
 脫。卽脫事非一概。又四悉檀益該括權實。一一四
 聞卽脫。

悉頓漸不同。若欲具說。浩然無涯。粗示大綱。俾知
 如來說法。益徧未來而已。又種種皆令歡喜。卽稱
 其種性而得生長也。快得善利。具有四教權實善
 利。卽今世之華敷果實也。現世安隱。結上歡喜善
 利。現在四益也。後生善處。以道受樂報。因感報果
 也。亦得聞法習因感習果也。所受道樂必有權實
 于權實道復論淺深。所聞之法亦復如是。卽次世
 中辨四益也。旣聞法已。離諸障礙。所離亦有淺深
 不同。總是報因感于報果。任力所能。漸得入道。所

入亦有權實不同。總是習因感于習果。即是第三後世之中辨四益也。所被之機。橫該十界。所受之益。豎徹四教。如華嚴般若等。並令地獄得益。餘可知也。初正合竟

(十一)二提譬帖合

如彼大雲雨於一切卉木叢林及諸藥草。如其種性。具足蒙潤。各得生長。

大雲及雨爲能潤。合如來三密及聲教也。一切二字。合假名衆生也。卉木叢林藥草。合五乘七方便。

也。種性合諸根利鈍懈怠精進也。具足蒙潤合皆令歡喜快得善利也。各得生長合現世安隱後生善處等也。初合無差而差竟

(十二)二合差而无差二。初正合。二結釋。(丑)初中二。

初合一地所生一雨所潤。二合草木各有差別

(寅)今初二。初二。本眾生也。眾生必到相。凡對如來說法。一相一味。所謂解脫相。離相。滅相。究竟至

於一切種智。非別。本眾生也。眾生必到相。凡對

一相者衆生心性。同一真如爲相。合一地也。一味

者。一乘之法。同詮一理。合一雨也。所謂下雙釋。
相一味也。解脫相者。業卽解脫。本無二邊。業縛相
也。離相者。惑卽般若。本離通別。二惑相也。滅相者
苦卽法身。二種生死本寂滅也。衆生心性。卽是性
德解脫。相離相滅相。卽一而三。卽三而一之相。如
來一音說。此卽一而三。卽三而一之法。則爲卽一
味而三味。卽三味而一味之教。衆生秉教修行。則
以性德三相。一相爲所觀境。仗佛三味一味之教
爲增上緣。起于中道三相。一相之行。究竟得成三

相。一相。一切種智之果也。夫佛于一實相法。方便
開爲三五七九等相。于一味教。分別說爲兼。但對
帶等味。衆生秉教修行。各獲果證。誰能知者。唯佛
能知。究竟終歸一相一味耳。

(寅)

二合草木各有差別三。初正合。衆生如草木。故

不自知。二明唯。有如來能知。故與大雲同而不

(寅)

同。三舉譬帖。合衆生不知。

(卯)今初

其有衆生聞如來法。若持讀誦。如說修行所得功德

不自覺知。

其有衆生者。總舉不知之人。合三草二木也。法卽一音一味之法。若持讀誦。如說修行。正明不知。何以故。持說不同。修行各異。人天作戒善之解。三乘作諦緣度解。解旣不同。卽是差別也。所得功德。不自覺知者。不知佛是一味無差別教。但于七種權功德中。各得一種。各作一解。旣不知其究竟歸實亦不知其所得是權。卽是權實俱迷。名爲不自覺知也。

㊯ 二明惟有如來能知。故與大雲同而不同。

所以者何。唯有如來知此衆生種相體性。念何事。思何事。修何事。云何念。云何思。云何修。以何法念。以何法思。以何法修。以何法得何法。衆生住於種種之地。唯有如來如實見之。明了無礙。

如來能知者。卽是一切種智知也。如實見之者。卽是佛眼見也。明了無礙者。卽是徹始徹終。徹內徹外。咸洞悉也。若約能知能見。惟有佛智佛眼。若約所知所見。則減數略舉十境。合爲四意。一一無不差。卽無差。無差卽差也。四意者。一約四法。二約三

法三約二法四約一法。一約四法者種相體性也。種有二義。若就相對論種。則三道是三德種。故淨名云。一切煩惱之儔爲如來種。由煩惱道即有般若種也。又云。五無間皆解脫相。由不善業即有善法解脫種也。又云。卽涅槃相不可復滅。生死苦道卽法身種也。若就類論種。則一切低頭舉手悉是解脫種。一切世智及三乘解心。卽般若種。凡有心者皆當作佛。卽法身種。如此諸種差別。惟佛能知。一切種祇一種。卽無差別。亦惟佛能知。差卽無差。無差卽差。亦惟佛能知。相者。

據外體者。王質性者。據內具如十界。十如中釋。若論差別。卽十法界相。惟佛能知。若論無差別。卽一佛界相。亦惟佛能知。差卽無差。無差卽差。亦惟佛能知。體性例然。二約三法者。聞思修三慧也。仍有三重。一云念何事。思何事。修何事者。三慧所取境也。教下所詮種相體性隨教則。有思修不同。對界爲境。多少增減。觀體巧拙隨義應知。爲差無差。以權對實。二云云何念云何思云何修者。三慧之當體也。此體卽是能聞能思能修。亦有差無差等。例

前可知。三云以何法念以何法思以何法修者。三慧之因緣也。由聞法故。方取于境。故以聞法而爲因緣。如此三乘三慧。昔謂境體因緣有異。即是差別。若入圓妙三慧。卽無差別。此有差別。惟佛能知。此無差別。亦惟佛能知。又差卽無差。無差卽差。亦惟佛能知。三約二法者。因果也。以何法爲因。得何法之果。五乘之因。各得其果。即是差別。惟佛能知。衆生如佛如。一如無二。如惟是一因一果。卽無差別。亦惟佛能知。又差卽無差。無差卽差。亦惟佛能

知。四約一法者。衆生住于種種諸地也。即是七方便人。住于七位。此卽差別。惟佛能知。如實見之。惟是一地。卽無差別。亦惟佛能知。又差卽無差。無差卽差。亦惟佛能知。故云明了無礙也。此中四意攝盡諸法。種相體性爲三慧所取。所取四法不出因果。因果之體。體惟實性也。

碑文來源：大藏經

碑文來源：大藏經

如彼卉木叢林諸藥草等而不自知。上中下性未開顯時。七方便人皆同卉木。但能受潤增長。不

能自知。既開顯後方知三草二木若根若莖若枝若葉若華若果。一一無非地之四微。則能全悟衆生性德理地。而爲諸佛究竟一切智地。從此智地興大悲雲。汪權實雨。化化無盡。如來所以說法華經欲人悟此性修秘要而已。初正合竟

(丑)二結釋又二初結成差卽無差。二釋出不卽說意。(寅)今初

如來知是一相一味之法。所謂解脫相離相滅相究竟涅槃常寂滅相終歸於空。

一相一味等已如前釋爲衆生故。分別說此一相一味解脫離滅之法。卽是一中無量究竟涅槃常寂滅相終歸于空。卽是無量中一可以系方土。無差別也。言究竟涅槃者不同二乘有餘無餘二涅槃也。言常寂滅相者非以斷縛名爲解脫。法本無縛今亦無脫。非以捨合名爲離相法本無合今亦無離。非以生盡名爲滅相法本無生今亦無滅。所謂諸法從本來。常自寂滅相。不同二乘之三相也。終歸于空者歸于中道第一義空。非是二乘灰

斷之空也。勤勤再釋。簡實異權。佛之大慈殷切甚矣。

(寅)二釋出不卽說意

佛知是已。觀衆生心欲而將護之。是故不卽爲說一切種智。

如來旣知始末皆一。何不一切時中但說一實。故今釋云。觀衆生心欲而將護之。是故不卽爲說一切種智也。初正明權實不可思議竟。

(辛)二結歎述成

汝等迦葉。甚爲希有。能知如來隨宜說法。能信能受。所以者何。諸佛世尊隨宜說法。難解難知。

前明如來無量功德。汝等若干無量億劫說不能盡。如大雲雨不可思議。若此恐人疑。四弟子齊教領解。何必是實。故佛稱述雖未及究竟佛地。而具引發下根。令同得悟也。先歎希有者。凡夫有反覆聞能得益。菩薩是已。事解不爲奇。今以無爲正位。而能捨證入實。故甚希有。能知隨宜說法。述其能。

領聞三能信能受。述其能領顯一也。所以者何下。
 釋成希有可知。又前云汝等說不能盡今云汝等
 甚爲希有者。前約佛恩普被。猶如雲雨靡不覆潤。
 佛恩普載猶如大地靡不生成。豈直但爲一方一
 機而已。故云說不能盡也。今以佛恩雖普衆生日
 用不自覺知如三草二木根植于地稟潤于雨而
 不能知。汝等能知始終十恩甚爲希有。未度令度
 等。述其知佛四弘誓恩甚爲希有。現世安隱後生
 善處以道受樂。述其知大慈與樂恩甚爲希有。離

諸障礙漸得入道。述其知大悲拔苦恩甚爲希有。
 輸王釋梵是小藥草。述其知勸善除煩惱恩甚爲
 希有。知無漏法能得涅槃及緣覺證是中藥草。述
 其知除寒熱見愛恩甚爲希有。上草小樹是爲恥
 小慕大。述其知遮醜陋恩甚爲希有。大樹是述其
 知莊嚴恩甚爲希有。最實事一地一雨。述其知付
 財坐座身心財法自在安樂恩甚爲希有。佛述其
 差別歎者歎十恩文盡。述其無差別歎者。即是
 大恩也。廣述成中初長文竟。

(辛)二重頌三初頌法說。二頌立譬。三頌法合

(壬)

今初

爾時世尊欲重宣此義而說偈言

破有法王出現世間隨衆生欲種種說法。如來尊重智慧深遠久默斯要不務速說。有智若聞則能信解。無智疑惑悔則爲永失。是故迦葉隨力爲說以種種緣令得正見。

破有法王者因果不亡名之爲有。凡夫以見思爲因分段生死爲果。二乘以塵沙爲因方便變易爲

果。菩薩以無明爲因自性變易爲果。唯有諸佛五住因亡。二死果喪乃于諸法得大自在也。出現世間卽是爲利衆生。故凡權實諸教皆使受者得益不虛。隨衆生欲二句頌權智說權教也。如來尊重四句頌實智說實教也。有智若聞四句釋不速說實之由也。是故迦葉四句顯先權後實之巧也。以種種緣卽先施權令得正見卽後顯實。惟此一實名爲正見。故涅槃中迦葉童子領解云自此以前我等皆名邪見人也。

(王)二頌立譬二。初頌無差而差。一頌差而無差。

(癸)初中二。初超頌能潤無差。一追頌能生所生受潤差別

(子)今初

迦葉當知。譬如大雲起於世間。遍覆一切。慧雲含潤電光晃曜。雷聲遠震。令衆悅豫。日光揜蔽。地上清涼。颯颯垂布。如可承攬。其雨普等四方俱下。流澍無量。率土充洽。

雲譬應身。應身隨智慧行。故言慧雲。能具十二部法。故言舍潤。電光晃曜。譬身放大光。雷聲遠震。譬

口宣四辯。日光揜蔽。譬九十五種邪光不現。地上清涼。譬九十八種惱熱得除。颯颯垂布。如可承攬。譬應身相好威儀似同三有。有心往取。實不可得也。其雨普等四方俱下。譬八音四辯普應羣機。流澍無量。譬一時中咸具五時八教。率土充洽。譬凡有心者皆蒙利潤。一一時中各得藏通別圓頓漸秘密不定五味之益也。

(子)二追頌能生所生受潤差別

山川險谷。幽邃所生卉木藥草。大小諸樹。百穀苗稼。

甘蔗葡萄。雨之所潤。無不豐足。乾地普洽。藥木並茂。其雲所出。一味之水。草木叢林。隨分受潤。一切諸樹。上中下等。稱其大小。各得生長。根莖枝葉。華果光色。一雨所及。皆得鮮澤。

山川險谷。略頌能生也。幽邃譬衆生久遠。所植習因。隱在果報色心內也。百穀譬十善互嚴。十善爲百。甘蔗質一。可譬禪定所緣境一。蒲萄形多。可譬智慧所破惑多。乾地普洽。譬未信者令信。餘如文初頌無差而差竟。

(卷)二頌差而無差

如其體相性分大小。所潤是一。而各滋茂。

初二句。頌所生所潤。第三句。正頌能潤無差。略不頌能生。卽以所生兼之。第四句。頌差別不自知也。二頌立警竟。

(王)三頌法合二。初頌合無差而差。二頌合差而無差。

(卷)初中三。初頌合能潤。二頌合能生所生。三頌復合能潤所潤。④今初。

佛亦如是。出現於世。譬如大雲普覆一切。旣出于世。

爲諸衆生分別演說諸法之實。大聖世尊於諸天人一切衆中而宣是言。我爲如來兩足之尊。出于世間猶如大雲。充潤一切枯槁衆生。皆令離苦得安隱樂。世間之樂及涅槃樂。諸天人衆一心善聽。皆應到此觀無上尊。我爲世尊無能及者。安隱衆生故現於世爲大衆說甘露淨法。其法一味解脫涅槃。以一妙音演暢斯義。常爲大乘而作因緣。

既出于世等三偈略頌十號。充潤一切等六句略頌四弘不頌餘四法門也。諸天人衆下四偈頌勸

聽受其法。一味者七種方便。無不皆歸一乘差而貴無差也。常爲大乘而作因緣者。旣作因緣必用方便。卽無差而差也。

(子)二頌合能生所生

我觀一切普皆平等。無有彼此愛憎之心。我無貪著亦無限礙。恒爲一切平等說法。如爲一人衆多亦然。常演說法。曾無他事。去來坐立終不疲厭。充足世間如雨普潤。

上文法合能生所生則云無數千萬億種衆生來

至佛所而聽法。今頌則明佛觀一切普皆平等也。

佛機爲此餘機爲彼。佛平等說。不于佛機者愛餘機者憎。譬如雨注不擇溪谷也。佛事爲自。魔事爲他。應後爲去。應初爲來。入實爲坐出權爲立。餘如文

子三頌復合能潤所潤二。初頌合能潤。二頌合所潤

潤
⑤今初

貴賤上下持戒毀戒威儀具足及不具足。正見邪見利根鈍根等雨法雨而無解倦

此頌如來于時觀是衆生諸根利鈍精進懈怠隨其所堪而爲說法也。貴賤上下約位持戒毀戒約行利根鈍根約習須約五乘七方便展轉說之

⑤二頌合所潤又二。初頌歡喜善利現世安隱合普洽譬。二頌後生善處乃至漸得入道合生長

頓慧敷實譬
⑥今初

一切衆生聞我法者隨力所受住於諸地或處人天轉輪聖王釋梵諸王是小藥草知無漏法能得涅槃起六神通及得三明獨處山林常行禪定得緣覺證

是中藥草。求世尊處。我當作佛。行精進定。是上藥草。又諸佛子。專心佛道。常行慈悲。自知作佛。決定無疑。是名小樹。安住神通轉不退輪。度無量億百千衆生。如是菩薩。是名大樹。佛平等說。如一味雨。隨衆生性。所受不同。如彼草木所稟各異。佛以此喻。方便開示。種種言辭演說一法。於佛智慧。如海一滴。初一偈總明受潤。次七偈別明受潤。後三偈結明能潤不可思議也。人天諸王俱未斷惑。故合爲小草。二乘俱有斷證。故合爲中草。事六度菩薩志。求

作佛發心已勝。二乘故獨爲上草。通教菩薩已斷通惑。誓扶餘習而化衆生。故名小樹。別教菩薩自行化他。福慧高廣。故名大樹。又可義約三敎菩薩。各作小。中。大。三樹。六度約三僧祇。通教約七八九地。別教約三十心也。於佛智慧如海一滴者。能潤如海所潤如一滴也。一滴功德已於無量億劫說。不能盡矣。

(寅)二頌後生善處乃至漸得入道。合生長敷實譬。我雨法雨。充滿世間。一味之法。隨力修行。如彼叢林。

藥草諸樹。隨其大小漸增茂好。諸佛之法常以一味。令諸世間普得具足。漸次修行皆得道果。聲聞緣覺處於山林。住最後身聞法得果。是名藥草。各得增長。若諸菩薩智慧堅固。了達三界求最上乘。是名小樹。而得增長。復有住禪得神通力。聞諸法空心大歡喜。放無數光度諸衆生。是名大樹。而得增長。

初二偈總頌增長。次六偈半別頌增長也。就別頌中。諸佛之法等六句。是明人天增長。次聲聞下六句。是明二乘增長。住最後身有二義。一者二乘若

不值佛。未必是最後身。由見佛故成最後身。即是增長義也。二者二乘已住有餘涅槃。名最後身。今得聞大乘法。得大乘果。乃是增長義也。次若諸菩薩下六句。是明通教增長體法智利。故名堅固。斷三界惑。故名了達。次復有住禪下二偈。是明別教增長。禪及神通是入假力。聞諸法空心大歡喜。謂各聞中道第一義空。能隨順觀察也。略不頌六度增長者。六度是權中之權。有教無人。又未斷惑可攝。入人天也。初頌合無差而差竟。

(卷二) 二頌合差而無差。長文廣今頌略也。

如是迦葉佛所說法。譬如大雲。以一味雨潤於人華。各得成實。迦葉當知。以諸因緣種種譬喻。開示佛道。是我方便。諸佛亦然。今爲汝等說最實事。諸聲聞衆。皆非滅度。汝等所行。是菩薩道。漸漸修學。悉當成佛。前六句。舉譬帖合無差。而差。差卽無差。一味雨無差也。潤于人華。指七善因華。而差也。各得成實。究竟同歸地之四微差。卽無差也。次三偈半。結成權實不二。以諸因緣種種譬喻。卽實而權也。開示佛。

道卽權而實也。今爲汝等說最實事者。乃開顯之。實不同華嚴方等般若中對權之實。卽教一也。聲聞皆非滅度。卽人一也。汝等所行。是菩薩道。卽行一也。漸漸修學。悉當成佛。佛所知見。卽理一也。譬說周中。第三如來述成竟。

釋藥草喻品竟。次釋授記品

授記品第六

梵音和伽羅。此云授記。亦云受記。受決。受勅。授是與義。受是得義。記是記事。決是決定。勅是了勅。諸

60 1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

經或破受記。如淨名云爲從如生得受記。爲從如滅得受記。如無生滅則知無記。思益云。願不聞記名。大品云。受記是戲論。今經云何答。若見有記記人。此見須破。若菩薩誓記。此記須與。此通途答又世諦故記第一義故無。四教各何得以真難俗。又四悉適時故記如下說。論四悉今經有五。若通途記。如法師品初。若別與記。如三周後一通。若正因記。如常不輕。若緣因記。如法師品十種供養。若了因記。如授三根人。正因記則廣。緣了記則狹。二三或遲記。或速

記三遲速遲如聲或佛記。如此文或菩薩記。如常聞。速如龍女。

或佛記。如此文或菩薩記。如常聞。速如龍女。

不輕。雖無劫國之定亦得是記。

四師弟

復有懸記。如化城品未來弟子是。

未

首楞嚴三昧經明四種記。今經具之。未發心與記。如常不輕品。發心現前無生三周記是也。四悉者。原夫諸佛本爲大事。因緣出世。令諸衆生開示悟入佛之知見。今大事已顯。佛已說竟。衆生已入暢佛本懷。衆生願滿法應與記。如父遇子。豈不付財。又行人無量世行願。願在今佛。文云。其本願如此。故獲斯記。此兩緣是世

界悉檀故記。初約機應相對。

第二單約物機又二乘聞經改小入

大圓因已足因必招果。故如來與記。又時衆咸知發願爲生身法身內外眷屬。或願但生彼土。饒益衆生。此兩是爲人悉檀故記。一已生已善。二能生他善。又授二乘記。破欲退大入小菩薩。何者。若定有二乘可退爲小。今無二乘。何所可退。一破欲退爲小之惡。又破欲發二乘心者。彼證已捨我。何爲取二破欲發。又破未改小者。則便改小。三正破小惡。又將證小者。卽不取證。四將欲證此四是對治悉檀故記。又無生現前必由小之惡。

實解開佛知見不謬。故與受記。又一切衆生。但互無緣。今小乘聞經信解緣正具足。開佛知見故與受記。此兩是第一義悉檀故記。此四記攝一切諸受記盡也。中根人聞法譬二周開三顯一。其足領解。如來述成。雖自知作佛。而時事未審。若蒙佛誠言授其當果。劫國決定。近遠了荊。則大歡喜。今從佛授與得名。故言授記品。又通論則記十界事。皆名授記。今但記作佛。又四教佛皆有授記。今唯在圓。又法身應身二記。今且在應。本迹則諸大弟子。

久已得記。今迹示初受。以引實行。觀心者能觀心性。卽空假中。卽爲諸佛授記。亦能授一切記。如常不輕。

(巳) 詛說周中。第四與受決爲二。初正授中根記。二許爲下根宿世說。

(庚) 初中二。初授大迦葉記。

二授三人記。(辛) 初又二。初長文。二重頌。

長文爲六。初行因至六國淨。

(癸) 今初

爾時世尊說是偈已。告諸大衆。唱如是言。我此弟子摩訶迦葉。於未來世。當得奉覲三百萬億諸佛世尊。

供養恭敬尊重讚歎。廣宣諸佛無量大法。

按世尊入滅。迦葉卽白大衆。如來舍利。非我等事。我等事者。宜應結集法藏。勿令正法速滅。此廣宣大法之明證也。傳佛心印而爲西土初祖。苦心若此。又覲爾所諸佛。方示成佛。今人甫得小小光影。便欲訶佛罵祖。哀哉哀哉。

(癸) 二得果

於最後身。得成爲佛。名曰光明如來。應供。正徧知。明行足。善逝。世間解。無上士。調御丈夫。天人師。佛。世尊。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

因中身常圓滿紫金光聚果號光明如來。又傳持
大法普照一切故號光明也。

(癸)三劫國名

國名光德劫名大莊嚴

(癸)四壽命

佛壽十二小劫

(癸)五正像久近

正法住世二十小劫像法亦住二十小劫

(癸)六國淨

國界嚴飾無諸穢惡瓦礫荆棘便利不淨其土平正
無有高下坑坎堆阜琉璃爲地寶樹行列黃金爲繩
以界道側散諸寶華周徧清淨其國菩薩無量千億
諸聲聞衆亦復無數無有魔事雖有魔及魔民皆護
佛法

因中漢心護持正法故感國淨無魔事也餘悉如

文初長文竟

(壬)二重頌五初頌行因得果

至

五總結

(癸)今初

爾時世尊欲重宣此義而說偈言

告諸比丘。我以佛眼見是迦葉。於未來世過無數劫。
當得作佛。而於來世供養奉覲三百萬億諸佛世尊。
爲佛智慧淨修梵行。供養最上。足尊已。修習一切。
無上之慧。於最後身得成爲佛。

卷二 頌國淨

其土清淨。瑠璃爲地。多諸寶樹。行列道側。金繩界道。
見者歡喜。常出好香。散衆名華。種種奇妙。以爲莊嚴。
其地平正。無有丘坑。諸菩薩衆不可稱計。其心調柔。
逮大神通。奉持諸佛大乘經典。諸聲聞衆無漏後身。

法王之子。亦不可計。乃以天眼不能數知。

三頌佛壽

其佛當壽十二小劫

四頌正像

正法住世二十小劫。像法亦住二十小劫。

五總結略不頌劫國名

光明世尊。其事如是。

初授大迦葉記竟

辛二授三人記二。初請記。二與記。壬初中四。初

60123456789

正請。二立譬。三法合。四結請。

(卷)今初

爾時大目犍連須菩提。摩訶迦旃延等。皆悉悚慄。一心合掌。瞻仰尊顏目。不暫捨。卽共同聲而說偈言。
大雄猛世尊。諸釋之法王。哀愍我等故。而賜佛音聲。
悚慄者。改小入大。不啻脫皮換骨。真有一番天旋

地轉境界。

(卷)二立譬

若知我深心。見爲授記者。如以甘露灑除熱。得清涼。
如從饑國來。忽遇大王膳。心猶懷疑惑。未敢卽便食。

若復得王教。然後乃敢食。

(卷)三法合

我等亦如是。每惟小乘過。不知當云何。得佛無上慧。
雖聞佛音聲。言我等作佛。心尚懷憂懼。如未敢便食。
若蒙佛授記。爾乃快安樂。

(卷)四結請

大雄猛世尊。常欲安世間。願賜我等記。如饑須教食。
初請記竟。

(卷)二與記三。初記須菩提。二記迦旃延。三記目犍

連

(卷)初中二。初長文。二重頌

(子)長文五。初

行因

至

(丑)今初

爾時世尊知諸大弟子心之所念告諸比丘是須菩提於當來世奉觀三百萬億那由他佛供養恭敬尊重讚歎常修梵行具菩薩道

(丑)二得果

於最後身得成爲佛號曰名相如來應供正徧知明行足善逝世間解無上士調御丈夫天人師佛世尊今名空生果稱名相者名相本空空則具足一切

名相不同示迹石室觀空但悟偏理也

(丑)三劫國莊嚴

劫名有寶國名寶生其土平正玻璃爲地寶樹莊嚴無諸丘坑沙礫荆棘便利之穢寶華覆地周徧清淨其土人民皆處寶臺珍妙樓閣聲聞弟子無量無邊算數譬喻所不能知諸菩薩衆無數千萬億那由他

(丑)四壽命

佛壽十二小劫

(丑)五正像

法華會義

四九

正法住世二十小劫。像法亦住二十小劫。其佛常處虛空爲衆說法。度脫無量菩薩及聲聞衆。

常處虛空表中道第一義空也。長文竟

(子)二重頌五初誠聽二頌行因得果。至五頌正像

(丑)今初

爾時世尊欲重宣此義而說偈言

諸比丘衆。今告汝等。皆當一心聽我所說

(丑)二頌行因得果

我大弟子須菩提者。當得作佛號曰名相。當供無數

萬億諸佛。隨佛所行。漸具大道。最後身得三十二相。端正殊妙。猶如寶山。

(丑)三頌國淨

其佛國土嚴淨第一。衆生見者無不愛樂。佛於其中。度無量衆。其佛法中多諸菩薩。皆悉利根轉不退輪。彼國常以菩薩莊嚴。諸聲聞衆不可稱數。皆得三明。具六神通。任入解脫。有大威德。其佛說法。現於無量。神通變化。不可思議。諸天人民數如恒沙。皆共合掌。

聽受佛語

(丑) 四頌壽命

其佛當壽十二小劫

(寅) 五頌正像

正法住世三十小劫。像法亦住三十小劫

初記須菩提竟

(未) 二記迦旃延二初長文二重頌

(子) 長文五初

行因

(午) 五正像

(丑) 今初

爾時世尊復告諸比丘衆。我今語汝。是大迦旃延於當來世以諸供具供養奉事八千億佛。恭敬尊重。諸

佛滅後。各起塔廟。高千由旬縱廣正等五百由旬。以金銀琉璃磚砾碼碯真珠玫瑰七寶合成。衆華瓔珞塗香末香燒香繪蓋幢幡供養塔廟過是已後當復供養二萬億佛。亦復如是。供養是諸佛已具菩薩道。

(丑) 二得果

當得作佛號曰閻浮那提金光如來。應供。正徧知。明行足。善逝。世間解。無上士。調御丈夫。天人師。佛。世尊。(未) 三國淨土。華嚴。天人皆蒙開示。又前菩薩道場其土平正。玻璃爲地。寶樹莊嚴。黃金爲繩。以界道側。

妙華覆地。周徧清淨。見者歡喜。無四惡道。地獄。餓鬼。

畜生。阿修羅道。多有天人。諸聲聞衆及諸菩薩。無量萬億莊嚴其國。

(五) 四壽命

佛壽十二小劫

(五) 五正像

正法住世二十小劫。像法亦住二十小劫。

長文竟

(子) 二重頌四初誠聽

至四頌國淨

(五) 今初

(子) 二重頌四初誠聽

至四頌國淨

(五) 今初

爾時世尊欲重宣此義而說偈言

禁戒香本香妙香
諸比丘衆皆一心聽。如我所說真實無異。

(五) 二頌行因

是迦旃延。當以種種妙好供具。供養諸佛。諸佛滅後。起七寶塔。亦以華香供養舍利。

(五) 三頌得果

其最後身得佛智慧成等正覺。

(五) 四頌國淨

略不頌壽命正像也。

國土清淨。度脫無量萬億衆生。皆爲十方之所供養。

佛之光明無能勝者。其佛號曰。闍浮金光。菩薩聲聞
斷一切有。無量無數莊嚴其國。

第二記迦旃延竟

(癸)三記目犍連二。初長文。二重頌

(丁)初中五。初

舉子行因

(壬)五正像

(戊)今初

爾時世尊復告大衆。我今語汝。是大目犍連。當以種
種供具。供養八千諸佛。恭敬尊重。諸佛滅後。各起塔
廟。高千由旬。縱廣正等。五百由旬。以金銀琉璃碑碣
碼礎。真珠玫瑰七寶合成。衆華瓔珞塗香末。香燒香

繒蓋幢幡。以用供養。過是已後。當復供養二百萬億
諸佛。亦復如是。

(己)二得果

當得成佛。號曰多摩羅跋旃檀香如來。應供。正徧知。
明行足。善逝。世間解。無上士。調御丈夫。天人師。佛。世

尊

(庚)三劫國

劫名喜滿。國名意樂。其土平正。玻瓈爲地。寶樹莊嚴。
散真珠華。周徧清淨。見者歡喜。多諸天人。菩薩聲聞。

其數無量

(丑) 四壽命

佛壽二十四小劫

(未) 五正像

正法住世四十小劫。像法亦住四十小劫

長文竟

(子) 二重頌五。初頌行因

至

五頌正像

(午) 今初

爾時世尊欲重宣此義而說偈言

我此弟子大目犍連捨是身已得見八千二百萬億

諸佛世尊爲佛道故供養恭敬於諸佛所常修梵行
於無量劫奉持佛法諸佛滅後起七寶塔長表金刹
華香伎樂而以供養諸佛塔廟

刹者具云刹摩此翻土田以柱表刹示所居處也

(丑) 二頌得果兼國名

漸漸具足菩薩道已於意樂國而得作佛號多摩羅
旃檀之香

(未) 三頌壽命

其佛壽命二十四劫

(丑) 四頌國淨

常爲天人演說佛道。聲聞無量。如恒河沙。三明六通。有大威德。菩薩無數。志固精進。於佛智慧。皆不退轉。

(寅) 五頌正像

佛滅度後。正法當住。四十九劫。像法亦爾。

初正授中根記竟

(庚) 二許爲下根宿世說

我諸弟子。威德具足。其數五百。皆當授記。於未來世。咸得成佛。我及汝等。宿世因緣。吾今當說汝等善聽。

下根之人。已聞法譬。二周復見上中受記。恐其猶疑不了。深生愧恥。故先六句。許其總記。次四句。許說宿緣。所以引進之也。第二譬說周竟。

妙法蓮華經台宗會義卷三之一

助刻芳名

菩薩戒子法朗助銀一兩

比丘道怡助銀一兩 恒道助銀五錢

圓如助銀五錢 如賢助銀三錢

性蘊助銀三錢 徒立助銀二錢

照樞助銀二錢 普潤助銀二錢

性善助銀二錢 從德助銀一錢

悟吉助銀一錢

居士倪文科助銀一兩 蘭葉曾蔭助銀一兩

朱繼益助銀一兩 鄭士奇助銀一兩

信女蔣氏助銀一兩

葛音

錄不

丁財之

妙法蓮華經台宗會義卷三之二

古吳後學萬益智旭述

釋授記品竟次釋化城喻品

化城喻品第七

化者神力所爲也。以神力故無而倏有名之爲化。防非禦敵稱之爲城。譬二乘涅槃。城權智所爲也。化以權智力無而說有。用教爲化。防思禦見名爲涅槃。蘇息引入。三藏蘇息二實未究竟。化而言滅度。城權假施設故言化城。喻如前釋。此因緣釋也。

若從機謨無而倏見。見已生喜。即世界益。得入蘇息。卽爲人益。防非禦敵。卽對治益。而言滅度。第一義益。若從應說。權立此城。卽世界化。爲生小善。卽爲人化。且除見思。卽對治化。終引入大。卽第一義化。約教者。三藏於涅槃生安隱想。生滅度想。通教二乘與三藏同。菩薩不爾。釋論云。如父過險。一脚入城。一脚門外。憶其子故。從城入險。誓扶餘習入生死。而不以空爲證也。別教不道城如化。用城防險。從城門徑過。將城作方便。斷見思惑。不道此爲極也。圓教知無賦病。亦不須城。故言化城。今是圓教意。故題爲化城。喻品。圓教言化者。在昔斥奪。但云不堪。亦未曾云涅槃是

方云是化。乃至顯實。化乃成真。卽寶處。故知藏通謂極非化。別教非極非化。圓教非極是化。亦可是極是化。亦可是極非化。與藏通教言同意別。言今是圓教意者。亦從破計故。且云化。若開顯已。無非真實。本迹者。若從機說。應云本住三德之城。迹入化城。若從應說。則迹示說化也。觀心者觀因緣。生法卽空。是入化城。因緣卽假。是出化城。因緣卽中。是歸寶處。又觀空卽中。則了化非化。卽權而實。又化城寶所通論六卽。心性本空。無不空時理。卽化城也。心性本中。無不中時理。卽寶所也。聞此理性能生信解。爲名字化城寶所。圓伏五住。

爲觀行化城寶所。乃至究竟例此可知。問。此品說因緣事下根得悟應名宿世品答。品初廣說因緣未則結譬化城。若從初應稱宿世。經家從末故言化城。又上根疑薄但取道樹三七思惟以明機緣中根疑厚加以譬喻探取二萬億佛所教無上道以明機緣下根疑更厚故明宿世久遠機緣若從久遠之始則名宿世。若從中間則言化城。若從究竟則言寶所經家處中標品收得初後從此義便故言化城喻品。正法華名往古品所以有此問答問。化城是權寶

所是實何意棄寶從權答。由知城是化則知寶所是實故標化不失實也

(戊)三因緣說周二。初正說因緣二授下根記其領解述成二意文或前後不定。又領解或默念發言不同文少不足分品故皆入授記段中 (己)

初正說因緣二。初先明知見久遠二正明宿世因緣庚初中二。初長文二重頌 (辛)長文爲

三初出所見事二舉譬明久遠三結見昔如今

(壬)今初

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

佛告諸比丘。乃往過去無量無邊不可思議阿僧祇劫。爾時有佛名大通智勝如來。應供正徧知。明行足。善逝。世間解。無上士。調御丈夫。天人師。佛。世尊。其國名好城。劫名大相。諸比丘。彼佛滅度已來。甚大久遠。

(壬)二舉譬明久遠

譬如三千大千世界所有地種。假使有人磨以爲墨。過於東方千國土。乃下一點大如微塵。又過千國土。復下一點。如是展轉盡地種墨。於汝等意云何。是諸國土若算師。若算師弟子能得邊際。知其數不不也。

世尊。諸比丘。是人所經國土。若點不點。盡抹爲塵。一塵一劫。彼佛滅度已來。復過是數無量無邊百千萬億阿僧祇劫。

(壬)三結見昔如今

我以如來知見力故。觀彼久遠。猶若今日。

此顯如來三達遠明。所引往事分明不虛。然後說宿緣也。當知十世古今的確始終不離當念。離此當念心性之外。別無去來實法可得。由無明故妄計遷滅。于遷滅中。有億有忘。就彼所憶。有遠有近。

然所憶若遠若近之事。並是現前一念所變相分。非于心外別有他物也。且如吾人追憶十年二十年事。亦復宛在目前。便可例知心性本來豎徹三世。三世不出現前一念。但由無明不能遠見佛。既無明斷盡。心性洞朗。故豎極三際之始終。橫極法界之邊際。炳然知見。何以致疑。長文竟。

(辛)二重頌三初頌所見事。二頌舉譬明久遠。三頌見昔如今。(壬)今初

爾時世尊欲重宣此義而說偈言

我念過去世。無量無邊劫。有佛兩足尊。名大通智勝。

(壬)二頌舉譬明久遠

如人以力磨三千大千土。盡此諸地種皆悉以爲墨。過於千國土。乃下一塵點。如是展轉點盡此諸塵墨。如是諸國土點與不點等。復盡抹爲塵。一塵爲一劫。此諸微塵數其劫復過是。彼佛滅度來。如是無量劫。

(壬)三頌見昔如今

如來無礙智。知彼佛滅度。及聲聞菩薩。如見今滅度。諸比丘當知佛智淨微妙。無漏無所礙。通達無量劫。

卽空故淨。卽假故微。卽中故妙。又三智一心故淨。
一心三智故微。非一非三而一故妙。體圓滿
故無漏。用通達周徧故無所礙。初先明知見久遠
竟

(庚)二正明宿世因緣二。初廣述。二重頌。
二初結緣之由。二正結緣。(辛)初又二。初遠由
近由。(壬)初又二。初明大通智勝成佛。二明
十方梵王請法。(子)初又五。初佛壽長遠。二成
道前事。三正明成道。四明成道後眷屬供養。五

請轉法輪。(丑)今初
佛告諸比丘。大通智勝佛壽五百四十萬億那由他
劫

(丑)二成道前事

其佛本坐道場被魔軍已。垂得阿耨多羅三藐三菩提。
而諸佛法不現在前。如是一小劫乃至十小劫。結
跏趺坐身心不動。而諸佛法猶不現前。

諸佛道同爲緣事異。釋迦苦行六年彌勒卽日得
道。彼佛十劫猶不現前。非根有利鉢道有難易也。

但緣宜賒促應示長短耳。一切八相垂迹之處皆先破魔。準說法華。亦應先漸復云。破魔似同穢土。若準壽長復非穢土。故知同居淨穢。其相蓋多。成道等事不必全同此土三藏。

爾時佛_{未坐}道場前。忉利諸天先爲彼佛於菩提樹下敷師子座高一由旬。_{咸作是念}佛於此坐當得阿耨多羅三藐三菩提。_佛適坐此座時。諸梵天王雨衆天華。而百由旬香風時來吹去。萎華更雨新者。如是不絕滿十小劫。供養於佛乃至滅度常雨此華。四王諸天爲供養。

佛常擊天鼓。其餘諸天作天伎樂。滿十小劫。至於滅度亦復如是。

(丑)二正明成道

諸比丘大通智勝佛過十小劫。諸佛之法乃現在前。成阿耨多羅三藐三菩提。

(寅)四明成道後眷屬供養

其佛未出家時有十六子。其第一者名曰智積。諸子各有種種珍異玩好之具。聞父得成阿耨多羅三藐三菩提。皆捨所珍往詣佛所。諸母涕泣而隨送之。其

祖轉輪聖王與一百大臣及餘百千萬億人民皆共圍繞隨至道場咸欲親近大通智勝如來供養恭敬尊重讚歎到已頭面禮足繞佛畢已一心合掌瞻仰世尊以偈頌曰

大威德世尊爲度衆生故於無量億歲爾乃得成佛諸願已具足善哉吉無上世尊甚希有一坐十小劫身體及手足靜然安不動其心常憺怕未曾有散亂究竟永寂滅安住無漏法今者見世尊安隱成佛道我等得善利稱慶大歡喜衆生常苦惱盲暝無導師

不識苦盡道不知求解脫長夜增惡趣減損諸天衆從冥入於冥永不聞佛名今佛得最上安隱無漏道我等及天人爲得最大利是故咸稽首歸命無上尊十六王子若約表法卽自行化他八正道也

(五)請轉法輪

爾時十六王子偈讚佛已勸請世尊轉於法輪咸作是言世尊說法多所安隱憐愍饒益諸天人民重說偈言

世雄無等倫百福自莊嚴得無上智慧願爲世間說

度脫於我等及諸衆生類爲分別顯示。令得是智慧。若我等得佛衆生亦復然。世尊知衆生深心之所念。亦知所行道。又知智慧力。欲樂及修福宿命所行業。世尊悉知已。當轉無上輪。

既云令得是智慧。又云若我等得佛。又結云當轉無上輪。當知卽是請滿字教。如今佛華嚴也。初明大通智勝成佛竟。

子二明十方梵王請法二。初威光照動二。梵王來請。丑今初。

佛告諸比丘。大通智勝佛得阿耨多羅三藐三菩提時。十方各五百萬億諸佛世界六種震動。其國中間幽冥之處。日月威光所不能照。而皆大明。其中衆生各得相見。咸作是言。此中云何忽生衆生。又其國界諸天宮殿乃至梵宮六種震動。大光普照。徧滿世界。勝諸天光。

佛降神時。初生時。成道時。法爾世界震動。大光普照。但有緣者遠在他方亦覺。無緣者近亦不知耳。觀心釋忽生衆生者。心性本淨。陰入界覆之則暗。

若修觀慧本性理顯。又兩山是二諦。其間是中道。
日月光是二智。佛光是中道無分別智。光照本有
三諦洞明也。

(五)二梵王來請五。初東方。二東南方。三南方。四總
舉餘六方。五上方。寅初東方六。初覩瑞驚駭。
二互相問決。三尋光見佛。四三業供養。五請轉
法輪。六如來默許。卯今初。

爾時東方五百萬億諸國土中梵天宮殿光明照曜
倍於常明。諸梵天王各作是念。今者宮殿光明昔所

未有。以何因緣而現此相。

(卯)二互相問決

是時諸梵天王節各相詣共議此事。時彼衆中有一
大梵天王名救一切。爲諸梵衆而說偈言。
我等諸宮殿光明昔未有。此是何因緣。宜各共求之。

爲大德。天生爲佛出世間。而此大光明。徧照於十方。

(卯)三尋光見佛

爾時五百萬億國土諸梵天王與宮殿俱。各以衣祇
盛諸天華。共詣西方推尋是相見。大通智勝如來處。

于道場菩提樹下。坐師子座。諸天龍王乾闥婆緊那羅摩曇羅伽人非人等恭敬圍繞。及見十六王子請佛轉法輪。

(卯) 四三業供養

即時諸梵天王頭面禮佛。繞百千匝。即以天華而散佛上。其所散華如須彌山。并以供養佛菩提樹。其菩提樹高十由旬。華供養已。各以寶殿奉土。彼佛而作是言。惟見哀愍饒益我等。所獻宮殿願垂納處。時諸梵天王。即於佛前。一心同聲以偈頌曰。

世尊甚希有。難可得值遇。具無量功德。能救護一切。
天人之大師。哀愍於世間。十方諸衆生。普皆蒙饒益。
我等所從來。五百萬億國。捨淡禪定樂。爲供養佛故。
我等先世福宮殿。甚嚴飾。今以奉世尊。惟願哀納受
問。梵天雨華如須彌山樹座猶下。其相如何。答不
思議事。彼此不礙。

(卯) 五請轉法輪

爾時諸梵天王偈讚佛已。各作是言。惟願世尊轉於法輪。度脫衆生。開涅槃道。時諸梵天王。一心同聲而

說偈言

世雄兩足尊。惟願演說法。以大慈悲力。度苦惱衆生。
既云度苦衆生。卽是請半字教。如今鹿苑。

(卯)六如來默許

爾時大通智勝如來。默然許之。

諸佛受請之儀法。爾皆是默許。隨順先佛規則。故生人尊重渴仰。故不同凡夫外道。故能令目擊道存。故初東方竟。

(寅)二東南方六。初覩瑞驚駭。至六如來默許

(卯)

今初又諸比丘。東南方五百萬億國土。諸大梵王。各自見宮殿光明照曜。昔所未有。歡喜踊躍。生希有心。

(卯)二互相問決

卽各相詣。共議此事。時彼衆中有一大梵天王。名曰大悲。爲諸梵衆而說偈言。

是事何因緣而現如此相。我等諸宮殿光明。昔未有。爲大德天生爲佛出世間。未曾見此相當。共一心求過千萬億土。尋光共推之。多是佛出世。度脫苦衆生。

爾時五百萬億諸梵天王與宮殿俱各以衣祇盛諸天華共詣西北方推尋是相見大通智勝如來處於道場菩提樹下坐師子座諸天龍王乾闥婆緊那羅摩睺羅伽人非人等恭敬圍繞及見十六王子請佛轉法輪

(卯)四三業供養

時諸梵天王頭面禮佛繞百千匝卽以天華而散佛上所散之華如須彌山并以供養佛菩提樹華供養

已答以宮殿奉上彼佛而作是言惟見哀愍饒益我等所獻宮殿願垂納受爾時諸梵天王卽於佛前一心同聲以偈頌曰

聖主天中王迦陵頻伽聲哀愍衆生者我等今敬禮世尊甚希有久遠乃一現一百八十劫空過無有佛三惡道充滿諸天衆減少今佛出於世爲衆生作眼世間所歸趣救護於一切爲衆生之父哀愍饒益者我等宿福慶今得值世尊

(卯)五請轉法輪

爾時諸梵天王偈讚佛已。各作是言。惟願世尊哀愍一切。轉於法輪度脫衆生。時諸梵天王一心同聲而說偈言。

大聖轉法輪顯示諸法相度苦惱衆生令得大歡喜。衆生聞此法得道若生天諸惡道減少忍善者增益。此亦同前請半字敎也。

(卯)六如來默許

爾時大通智勝如來默然許之。

二東南方竟

(寅)三南方六初覩瑞驚駭

至六如來默許

(卯)今

初

又諸比丘。南方五百萬億國土諸大梵王各自見宮殿光明照曜。昔所未有。歡喜踊躍生希有心。

(卯)二互相問決

卽各相詣共議此事。以何因緣我等宮殿有此光曜。而彼衆中有一大梵天王名曰妙法。爲諸梵衆而說偈言。

我等諸宮殿光明甚威曜。此非無因緣。是相宜求之。

過於百千劫未曾見是相爲大德天生爲佛出世間

(卯)三尊光見佛

爾時五百萬億諸梵天王與宮殿俱各以衣祇盛諸天華共詣北方推尋是相見大通智勝如來處于道場菩提樹下坐師子座諸天龍王乾闥婆緊那羅摩睺羅伽人非人等恭敬圍繞及見十六王子請佛轉法輪

(卯)四三業供養

時諸梵天王頭面禮佛繞百千匝卽以天華而散佛

上所散之華如須彌山并以供養佛菩提樹華供養已各以宮殿奉上彼佛而作是言惟見哀愍饒益我等所獻宮殿願垂納受爾時諸梵天王卽於佛前一心同聲以偈頌曰

世尊甚難見破諸煩惱者過百三十劫今乃得一見諸饑渴衆生以法雨充滿昔所未曾覩無量智慧者如優曇鉢華今日乃值遇我等諸宮殿蒙光故嚴飾世尊大慈愍惟願垂納受

(卯)五請轉法輪

爾時諸梵天王偈讚佛已。各作是言。惟願世尊轉於法輪。令一切世間諸天魔梵沙門婆羅門皆獲安隱而得度脫。時諸梵天王一心同聲以偈頌曰。

惟願天人尊轉無上法輪。擊于大法鼓而吹大法螺。普雨大法雨。度無量衆生。我等咸歸請當演說遠音。既云無上法輪。又云大法鼓。大法螺。卽是請對半明滿之教。如今方等也。

(卯)六如來默許

爾時大通智勝如來默然許之。

三南方竟

(寅)四總舉餘六方

西南方乃至下方。亦復如是。

列十方梵正法華中先四方。次四維。次上下。並是隨譯者意。未知梵本次第如何。

(寅)五上方五初覩瑞驚駭至五請轉法輪。十方請

竟世尊卽說故無默許也。(卯)今初

爾時上方五百萬億國土諸大梵王皆悉自觀所止宮殿光明威曜昔所未有歡喜踊躍生希有心。

(卯)二互相問決

卽各相詣共議此事。以何因緣我等宮殿有斯光明。時彼衆中。有一大梵天王。名曰尸棄。爲諸梵衆而說。說偈言。

今以何因緣我等諸宮殿威德光明曜嚴飾未曾有。如是之妙相昔所未聞見。爲大德天生爲佛出世間。

(卯)三尋光見佛

爾時五百萬億諸梵天王與宮殿俱。各以衣祇盛諸天華。共詣下方推尋。是相見大通智勝如來處于道

場菩提樹下。坐師子座。諸天龍王乾闥婆緊那羅摩睺羅伽人非人等恭敬圍繞。及見十六王子請佛轉法輪。

(卯)四三業供養

時諸梵天王頭面禮佛。繞百千匝。卽以天華而散佛上。所散之華。如須彌山。并以供養佛菩提樹。華供養已。各以宮殿奉上彼佛。而作是言。惟見哀愍饒益我等。所獻宮殿願垂納處。時諸梵天王。卽於佛前。一心同聲以偈頌曰。

善哉見諸佛教世之聖尊能於三界獄。勉出諸衆生。
 普智天人尊哀愍羣萌類能開甘露門廣度於一切。
 於昔無量劫空過無有佛。世尊未出時。十方常闇暝。
 三惡道增長阿修羅亦盛。諸天衆轉滅死多墮惡道。
 不從佛聞法。常行不善事。色力及智慧。斯等皆減少。
 罪業因緣故失樂及樂想。住於邪見法。不識善儀則。
 不蒙佛所化。常墮於惡道。佛爲世間眼。久遠時乃出。
 哀愍諸衆生。故現於世間。超出成正覺。我等甚欣慶。
 及餘一切衆喜歎未曾有。我等諸宮殿蒙光故嚴飾。

今以奉世尊。惟垂哀納受。願以此功德普及於一切。
 我等與衆生皆共成佛道。

前東南方云百八十劫空過無佛。南方云百三十
 劫乃得一見。今云于昔無量劫空過無有佛。機緣
 不同。見佛奢促若此。蒙光並集。豈偶然哉。以古例
 今。理無二致。一見一聞。咸從感應聞法之士。宜何
 如作欣幸難遭想也。

(卯)五請轉法輪

爾時五百萬億諸梵天王。偈讚佛已。各白佛言。惟願

世尊轉於法輪。多所安隱。多所度脫。時諸梵天王而
訖禱言。

世尊轉法輪。擊甘露法鼓。度苦惱衆生。開示涅槃道。
惟願受我請。以大微妙音。哀愍而敷演無量劫習法。
既云以大微妙音敷演無量劫習法。又云度苦衆。
生等。卽是請帶半明滿之教。如今般若也。然佛法
道同不應偏請。如今佛自始至終。具轉五味法輪。
一一皆是酬梵王請。彼亦應然。今寄文便。十六王子初請華嚴。乃至上方請于般若。十六王子後請

法華。節目宛然。今古一致也。初明結緣遠由竟。

(癸)二近由由佛受請說法。故得覆講結緣也。文爲

二初轉半字法輪。二轉廢半明滿法輪。(子)初

中三。初受請。二正轉。三聞法得道。(丑)今初

爾時大通智勝如來受十方諸梵天王及十六王子請。

(丑)二正轉。此中應說三乘。如序品文。而今不說者。

正爲下根論結緣開顯等略不言六度耳。又彼
佛成道亦必演大華嚴。以非結緣正由故略不

說就文爲二。初明四諦。二明十二因緣。寅今

初

卽時三轉十二行法輪。若沙門婆羅門。若天魔梵及
餘世間所不能轉。謂是苦。是苦集。是苦滅。是苦滅道。
三轉者。一示轉。二勸轉。三證轉也。不轉者。謂此是
苦。三界二十五有果報。皆是生死苦法。樂是壞苦。
苦是苦苦。不苦不樂是行苦。真實是苦不可令樂。
此是苦集。三界見思煩惱。及有漏善不善不動三
業的。是招苦之因。更無異因。此是苦滅。謂見思滅。

故有漏滅。有漏滅故生死滅。惟有此處寂靜安隱
更無餘處。此是苦滅道因。戒生定因。定發慧。依四
念處。具足三十七品。入三脫門。方爲滅苦之道。更
無餘道也。勸轉者。謂此是苦。汝應知。此是集。汝應
斷。此是滅。汝應證。此是道。汝應修也。證轉者。謂此
是苦。我已知。不復更知。此是集。我已斷。不復更斷。
此是滅。我已證。不復更證。此是道。我已修。不復更
修也。何故三轉。諸佛說法。法至于三。爲衆生有三
根故。爲生聞思修三慧。故爲生見修無學三道。故

十二行者。一約教。二約行。約教者卽示勸證是也。
三四約行者三轉皆生眼智明覺謂苦法忍爲眼
 苦法智爲智苦類忍爲明苦類智爲覺餘三諦亦
 爾故成十六心三根人各得十六心故成四十八
 行且約一諦名十二行也。十二諦是教法輪。十二
 行是行法輪。教十二爲能轉。行十二爲所轉。教輪
 則能轉。唯是一權智所轉有十二教也。若行法輪
 能轉之教有十二所轉之行亦十二。或通三人或
 約一人。今就見諦道三乘利根聞示轉節各生眼

智明覺三人合舉故言十二行也。輪者轉也。將佛
 心中所悟法門度入彼心故言輪也。又輪者摧碾
 也。衆生聞教起行摧破諸惑故名輪也。沙門不聞
 尚不能知何況能轉。支佛雖悟口不能說婆羅門
 雖聞其名不解其理天魔梵等亦爾故云所不能
 轉也。然此四諦義通大小及以偏圓所謂生滅無
 生無量無作隨智所解各各不同略如玄義中明
 菩嚴經有四聖諦品文殊承佛力所宣豈可判作
 但聲聞法

(寅)二明十二因緣

及廣說十二因緣法。無明緣行。行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死憂悲苦惱。無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲苦惱滅。

及廣說者十二因緣還是別相說于四諦故也。無明行愛取有五支。還是集諦。其餘七支。還是苦諦。

無明滅則行滅乃至老死滅。還是滅諦。觀因緣智。即是道諦。故云及廣說也。此十二法亦通大小偏圓。所謂思議生滅。思議不生滅。不思議生滅。不思議不生滅。略如玄義中明。華嚴經六地菩薩十種觀察十二因緣成就般若無分別智。豈可判作但辟支法。今且依唯識稍示思議生滅之相。一無明者。謂發業無明。卽是異熟果愚不了善惡定有果報。及真實義愚不了三界是苦空故。能發正招生死之業。雖瞋慢等。皆能發業。無明是主。故偏說之。

二行者卽彼無明所發善惡不動三種有漏之業能感將來真異熟果此二共名能引支也。三識者由無明行爲能引故所引將來總報種子四名色者由有總報識種子故卽具將來初受生時歌邏羅等種子受想行識四陰爲名色陰爲色五六入者既有識名色種卽具將來六處種子謂眼耳鼻舌身意六觸者既有識名色六入種卽具將來六根觸境之時觸心所種七受者既有識名色六入觸種卽具將來領納違順等境三受心所種子此

五皆名爲所引支以無明不發引業則已旣發引業法爾卽引此五種子不失不壞故名爲所引支也八愛者謂由無明與行旣引將來識等五種得成就已復由迷事無明不了境虛妄于所受而生貪愛雖于逆境亦起瞋等而愛習如水最能潤生故偏說之尤取者謂由愛故種種追求所愛境界渙生染著十有者謂由愛取所起業力數數滋潤識等五支之種子故種子被潤而生有芽定感將來異熟果報此三共名能生支也十一生者謂後

有之芽。旣已成就。捨此生已。卽受彼生。十二老死者。謂旣生已。漸漸衰變。名之爲老。終歸無常。名之爲死。此二皆名所生支也。前十是因。同約現在。後二是果。別約未來。由前世十支。感得今世生死。由今世十支。復感後世生死。三世因果輪廻。不絕故名。十二因緣生相。卽苦集二諦而廣說之者也。若厭老死。知老死由生故。有次。卽厭生。知生由有知。有由取。知取由愛。愛由于受。受由于觸。觸由六入。六入由于名色。名色由識。識由于行。行由無明。無

明。止是妄想顛倒。故有更無所由。正念觀察。不愚于異熟果。深信爲惡得殃。爲善得樂。不愚于真實義。深信三界內是苦。出三界是樂。是名觀因緣智。以是智故。無明則滅。無明滅則行滅。乃至老死憂悲苦惱皆滅。故名十二因緣滅相。卽道滅二諦而廣說之者也。料簡十二支義。更多多門。非此所急。故不備錄。分段生死旣爾。變易生死亦有緣。生緣滅之相。分段十二。卽思議生滅也。若達卽空。卽思議不生滅也。變易十二。卽不思議生滅也。若達卽

中。卽不思議不生滅也。又復若悟不思議不生滅者。則分段十二。亦卽不思議不生滅也。故曰惑卽般若業。卽解脫苦。卽法身。當處清淨。當處自在。當處究竟。一清淨。一切清淨。一自在。一切自在。究竟。一切究竟。二正轉竟。

(五)三聞法得道

佛於天人大衆之中說是法時。六百萬億那由他人。以不受一切法故。而於諸漏心得解脫。皆得深妙禪定。三明六通。具八解脫。第二第三第四說法時。千萬

億恒河沙那由他等衆生。亦以不受一切法故。而於諸漏心得解脫。從是已後。諸聲聞衆無量無邊不可稱數。

不受一切法者。卽不受四見。證初果也。於諸漏心得解脫者。卽脫盡見思諸縛。證無學也。深妙禪定者。觀練熏修諸禪。卽俱解脫也。問。四諦十二因緣。既通四教。亦有證大者不。答。例如釋迦初說三歸五戒。尚有八萬諸天悟無生忍。佛佛道同。彼安得無。今文意在略敘結緣之由。何暇廣述往古秘密。

不定等益。初轉半字法輪竟。

(子)二轉廢半明滿法輪七。初諸子出家。二請法。三所將亦出家。四佛受請。五時衆有解不解。六時節。七說已入定。(丑)今初。

爾時十六王子。皆以童子出家而爲沙彌。諸根通利。智慧明了。已曾供養百千萬億諸佛。淨修梵行。求阿耨多羅三藐三菩提。

諸根通利。卽六根清淨也。又六根互用。曰通證佛境界。曰利。智慧明了。卽開示悟入也。

初約相似位釋次約分證

釋位

(丑)二請法

俱白佛言。世尊。是諸無量千萬億大德聲聞。皆已成就。世尊亦當爲我等說阿耨多羅三藐三菩提法。我等聞已。皆共修學。世尊。我等志願如來知見。深心所念佛自證知。

彼佛初說圓頓諸子大乘功德。悉已具足。愍諸方便。重請佛開權顯實也。聲聞皆已成就者。明其障除機動。是故爲請。我等志願如來知見者。此法華。

經但明佛之知見。唯志於此。卽正請滿字廢半之文也。

(丑)三所將亦出家

爾時轉輪聖王所將衆中八萬億人見十六王子出家亦求出家王卽聽許

(寅)四佛受請

爾時彼佛受沙彌請過二萬劫已乃於四衆之中說是大乘經。名妙法蓮華。教菩薩法。佛所護念。說是經已。十六沙彌爲阿耨多羅三藐三菩提故皆共受持。

諷誦通利

過二萬劫者上施三既久不容中間無事。望下頌意。一萬劫中必說方等般若。頌云。說六波羅密及諸神通事。般若是行。神通是事。諸方等經多明不可思議事行也。頌中又云分別真實法。卽是大品明實相般若意也。

(卯)五時衆有解不解

說是經時。十六菩薩沙彌皆悉信受。聲聞衆中亦有信解。其餘衆生千萬億種皆生疑惑。

信受則能弘通。信解則能入實。疑惑不解。千萬億衆。卽與十六子結法華緣者也。問。自佛受請以來。已過二萬劫矣。何故十六王子猶不進具而稱沙彌。旣是沙彌。云何復稱菩薩。答。十六子本是菩薩。急于學大乘。故無暇進具。始終現童子身也。沙彌得受菩薩大戒。自是諸佛常規。何足致疑。雖受大戒。位仍沙彌。未嘗僭越比丘。以亂住持僧寶之體。例如文殊大聖。一切行坐。皆讓摩訶迦葉。經有明文。人自不察耳。問。千萬億衆。旣不能解。何不令如

五千退席。何不移置他方佛土。乃令生疑惑耶。答。生疑亦得作結緣衆。故不遣也。若生謗墮苦。乃須遣耳。卽今佛說法華時。安保無生疑者。

(丑)六時節

佛說是經於八千劫。未曾休廢。
問。相傳釋迦說法華經。僅得八載。已自難信。謂開權顯實。開迹顯本。要言不煩。故也。彼佛于八千劫。未曾休廢。不知所說云何。答。只此開權顯實四字。假使恒河沙劫。說亦不盡。何況僅八千劫。僅八年。

耶。且如諸法實相數語義理浩然。該徹百界。千如性修因果。橫豎三法輪無不盡。便可窮未來際。而演說之。何況開迹顯本。具明曠劫不思議事耶。又如地涌菩薩以諸菩薩種種讚法。而讚於佛。便經五十小劫。諸佛出廣長舌現神力時。便卽滿百千歲。奈何以凡夫心欲測如來無上甚深微妙法耶。

(丑)七說已入定

說是經已卽入靜室。住於禪定八萬四千劫。此正是結緣之近由。由佛入定。諸疑惑衆無處詰

問。十六王子爲不解者。覆講說經也。文中明入定處所。卽是靜室。正入定。卽是住於禪定。入定時節。卽是八萬四千劫。然諸佛無不定心。寧有出入。祇因時衆機緣在十六子。結緣齊限應爾。許時耳。初結緣之由竟。

(壬)二正結緣二。初法說結緣。二譬說結緣

(癸)初

中三初明昔共結緣。二明中間更相值遇。三明今日還說法華。④子初中二。初覆講利生。二佛起稱歎。⑤今初

是時十六菩薩沙彌知佛入室寂然禪定各升法座亦於八萬四千劫爲四部衆廣說分別妙法華經。一皆度六百萬億那由他恒河沙等衆生示教利喜令發阿耨多羅三藐三菩提心。

沙彌升座不惟十六菩薩爲然只今毘尼藏中亦有明文重在解而不在年也。令發大菩提心卽名爲度。誓願當作佛已過于世間。卽是度七方便彼岸義也。

五二佛起稱歎二初正稱歎二勸親信 寅今初

大通智勝佛過八萬四千劫已從三昧起往詣法座安詳而坐普告大衆是十六菩薩沙彌甚爲希有諸根通利智慧明了已曾供養無量千萬億數諸佛於諸佛所常修梵行受持佛智開示衆生令入其中

寅二勸親信

汝等皆當數數親近而供養之所以者何若聲聞辟支佛及諸菩薩能信是十六菩薩所說經法受持不毀者皆當得阿耨多羅三藐三菩提如來之慧此昔佛普懸授記之文也初明昔共結緣竟

子二明中間更相值遇

佛告諸比丘。是十六菩薩常樂說是妙法蓮華經。一菩薩所化六百萬億那由他恒河沙等衆生。世世所生與菩薩俱。從其聞法悉皆信解。以此因緣得值四萬億諸佛世尊。于今不盡。

值遇有三種。一者從初常受大乘。中間皆已成就。不至于今。二者初受太中遇退太。仍接以小。此則中間猶故未盡。今得還聞大教。三者但論遇小不論遇大。或初雖受太。退後無機。則中間未度。于今

亦不盡。乃至滅後得道者是也。此人即以初聞小中間唯習于小。今遇王子初且聞小。人見釋迦一代教中一分聲聞未發心者。便卽判云永滅不發。是則不知如來長遠之化。問如上塵數多劫。今始得阿羅漢。當知無生法忍。何易可階答。一云。大聖善巧。依四悉檀作如是說。或說佛道長遠。或說佛道易得。或隨二世間所欲。或爲發生宿善。或對治厭道長者說短於道生輕易想者說長。或爲聞說長短。卽得入第一義。當知言如許。劫方今得羅漢者。乃是權行四

悉檀。引諸實行令入道耳。又理無長短。長短在機。

但須不篤自勤。何須論他時長時短。

(子)三明今日還說法華二。初先結會古今。二正明
還說法華。(丑)初中二。初結師之古今。二會弟

子古今

(寅)今初

諸比丘。我今語汝。彼佛弟子十六沙彌。今皆得阿耨
多羅三藐三菩提。於十方國土現在說法。有無量百
千萬億菩薩聲聞以爲眷屬。其三沙彌東方作佛。一
名阿閻。在歡喜國。二名須彌頂。東南方二佛。一名師
子音。二名師子相。南方二佛。一名虛空住。二名常滅

西南方二佛。一名帝相。二名梵相。西方二佛。一名阿
彌陀。二名度一切世間苦惱。西北方二佛。一名多摩
羅跋旃檀香神通。二名須彌相。北方二佛。一名雲自
在。二名雲自在王。東北方佛。名壞一切世間怖畏。第
十六我釋迦牟尼佛。於娑婆國土成阿耨多羅三藐
三菩提。

十六沙彌是古。八方作佛是今也。阿閻。此云無動。

(寅)二會弟子古今四。初明本結大緣。二釋今住聲
聞疑。三正結會古今。四釋未來弟子疑。

(卯)今

初

諸比丘。我等爲沙彌時。各各教化無量百千萬億恒河沙等衆生。從我聞法。爲阿耨多羅三藐三菩提。

此明初聞法時。皆爲無上菩提。所謂三乘初心。不愚于法也。但此後有退不退。致使得脫前後差別耳。

卯二釋今住聲聞疑

此諸衆生于今有住聲聞地者。我常教化阿耨多羅三藐三菩提。是諸人等。應以是法漸入佛道。所以者

何。如來智慧難信難解。

先明此諸衆生。大通佛時。從我聞法。便爲無上菩提。何故直至于今。猶有尚住聲聞地者。釋曰。我常教化之。以無上菩提。但由是諸人等。應以是種小法。漸入佛道故也。又有疑曰。何故是人應以是法漸入。釋曰。良以如來智慧難信難解故也。

卯三正結會古今

爾時所化無量恒河沙等衆生者。汝等諸比丘及我。減度後未來世中。聲聞弟子是也。

汝等諸比丘。卽結會於今有住聲聞地者之古今也。及我滅度後。聲聞弟子。卽結會於今不盡之古今也。

(卯)四釋未來弟子疑

我滅度後。復有弟子。不聞是經。不知不覺菩薩所。自於所得功德生滅度想。當入涅槃。我於餘國作佛。更有異名。是人雖生滅度之想。入於涅槃。而於彼土求佛智慧。得聞是經。唯以佛乘而得滅度。更無餘乘。除諸如來方便說法。

疑者云。現在聲聞得聞佛說法華。開顯悟入。可是結緣之流。未來者。不聞法華。而入滅度。豈能捨小而入一乘。釋云。彼雖生涅槃想。仍生方便有餘土中。受變易身。我于彼土。仍必爲說是經。必令入一乘道。更無餘乘也。除諸如來方便說法。正斷疑也。三是方便假說其實。決無三也。初先結會古今竟。

(丑)二正明還說法華。二初明應時故說。二釋前開

三意。(寅)今初

諸比丘。若如來自知涅槃時到。衆文清淨。信解堅固。

了達空法。深入禪定。便集諸菩薩及聲聞衆。爲說是經。世間無有二乘而得滅度。唯一佛乘得滅度耳。

涅槃時到者。諸佛出世化道將畢時也。如迦葉佛。日月燈明佛等。說此經爲最後極唱也。衆清淨。卽斷經唱滅不久。故此經爲最後極唱也。衆清淨。卽斷德成就。信是四不壞信。解是無漏正解。了達空法。是證于真諦。皆卽智德成就。智斷旣立。又復深入禪定。具二解脫。堪開大教。能信受也。又衆清淨者。得三藏教益。免火宅難也。信解堅固者。得方等教。

益。心相體信也。了達空法者。得般若教益。能轉教人也。集諸菩薩是會親族也。及聲聞衆是命其子也。假使涅槃時到而衆不清淨亦不能說此經。如多寶如來以現世無機緣故。不得說法華經。所以留全身塔。誓于滅後處處作證也。

(寅)二釋前開三意

比丘當知。如來方便深入衆生之性。知其志樂小法。深著五欲。爲是等故。說於涅槃。是人若聞。則便信受。若實無二乘得滅度者。何故如來前說權教。釋云。

如來深知衆生有小性欲。著于五塵弊于五濁。故先說三令破濁免難。後說一也初法說結緣竟。

(癸)二譬說結緣二。初立譬。二法合。(子)初中二。初

導師譬。二將導譬。(丑)今初

譬如五百由旬險難惡道。曠絕無人怖畏之處。若有多衆欲過此道至珍寶處。有一導師聰慧明達善知險道通塞之相。

五百由旬者。若約果報。則同居分段處爲三百。方便變易處爲四百。實報變易處爲五百。若約煩惱。

則三界見思爲三百。塵沙爲四百。無明爲五百。入空觀能過三百。入假觀能過四百。入中觀能過五百也。險難惡道譬生死因果。分段變易節果險難。見思五住。卽因險難。由此因果。故言惡道也。道有二種。一雖曠絕。有人可依。二者曠絕無人可依。譬生死中有涅槃煩惱中有菩提。則雖曠絕有人可依。若生死煩惱無涅槃菩提。藥中無病。病中無藥。則曠絕無人怖畏處也。別圓二教。非曠有人。通教二乘。曠而有人。三藏二乘。曠而無人。故爲此人設化。若有多衆者。譬王子所化未脫之衆。

也。欲過此道至珍寶處者。譬發心爲求無上菩提也。有一導師者。譬第十六王子也。耳清淨曰聰意。清淨曰慧。眼清淨曰明。餘根清淨曰達。總而言之。卽六根清淨也。又慧卽一心三智。明卽具足五眼。又三明爲明。十力爲達。善知險道通塞之相者。雖是險道。有塞有通。具方便者。卽塞成通。之善巧者。卽通成塞。資糧器械膽識勇力。皆須具足。前路水草。皆須詣識也。

(1)二將導譬三。初所將人衆譬。二中路懈退譬。三

減化引至寶所譬 (寅)今初

將導衆人。欲過此難。

譬本結緣未得脫者。本緣不失而爲導師所將也。

(寅)二中路懈退譬。又二。初退大。二接小。(卯)今初

所將人衆。中路懈退。白導師言。我等疲極而復怖畏。

不能復進。前路猶遠。今欲退還。

中路非半途也。但以發心爲始。至佛爲終。此兩楹間而起退意。故名中路。白導師者。天機已退。小機可生。以此冥感法身慈悲義如白也。疲極者。譬善

根微弱無明所翳也。怖畏者。譬憚惡生死也。前路猶遠者。譬三惑難斷也。由乏大乘勇力。故疲極。由乏大乘膽識及資糧器械。故怖畏。由不諳識前路水草。故云前路猶遠。

(卯)二接小二。初方便設化。二歡喜前入。(辰)今初

導師多諸方便而作是念。此等可愍。云何捨大珍寶而欲退還。作是念已。以方便力於險道中。過三百由旬化作一城。告衆人言。汝等勿怖。莫得退還。今此大城可於中止。隨意所作。若入是城。快得安隱。若能前

至寶所亦可得去。

多諸方便。譬如來權智能擬宜也。此等可愍。知其無大機也。化作一城。知其可小接也。汝等勿怖。莫得退還。卽是勸令前進。譬勸轉也。今此大城可於中止。隨意所作。卽是示城可住。譬示轉也。若入是城。快得安隱。卽是讚城功德。譬證轉也。若能前至寶所。亦可得去者。今佛未開顯。前不得彰灼。而有此語。若論密聞。則便不妨。若論宿世。應有是言。何者。王子旣知彼等退意。卽教化云。汝等若畏生死。

且取涅槃消息。然後更行大道。亦可隨意也。又開
權顯實後。卽得說之。如涅槃經中諸取羅漢者皆
是其義。

(辰)二歡喜前入

是時疲極之衆。心大歡喜。歡未曾有。我等今者免斯
惡道。快得安隱。於是衆人前入化城。生已度想。生安
隱想。

大歡喜。譬聞慧。歡未曾有。譬煖位。免惡道。譬頂位。
快安隱。譬忍位。前入化城。譬見諦位。已度想。譬得

盡智。安隱想。譬得無生智。又已度想。具智德。安
隱想。譬證斷德也。二中路解退。譬竟。

(寅)三滅化引至寶所。譬

爾時導師知此人衆既得止息。無復疲倦。卽滅化城
語衆人言。汝等去來。寶處在近。向者大城。我所化作
爲止息耳。

旣得止息。譬免難。無復疲倦。譬大乘機發。寶處在
近。譬顯實。大城化作。譬廢權也。寶所有二義。若約
究竟。則以極果爲寶所。如上文云。唯佛與佛。乃能

究盡諸法實相也。若約分入。卽以初發心住爲寶。所如上文云。無上寶聚。不求自得。又云。得佛法分。如佛子所應得者。皆已得之也。問。凡五處開三顯。一爲有何異。答。通論無異。別論有差。方便品。約教開三顯。一文云。如來但以一佛乘故。爲衆生說法。無有餘乘。若二若三也。火宅約行開三顯。一車是運義。運則譬行。文云。各乘大車。遊于四方。嬉戲快樂也。信解約人開三顯。一結會作人。卽長者子。文云。我等昔來真是佛子也。藥草約差別無差別明。

一權實不的去取。但衆生不知。佛令其知。若知七種差別。卽知權。同依一理。無差別。卽知實。差而無差。無差而差。令知此意耳。終不說言無一有一。此約自行。權實二智。隨自意語。故佛能知。而衆生不知也。亦是通前通後。知不知明。權實也。今化城正約理。開三顯一。寶所化城。是大小兩理。破除二乘。權理顯。如來真實一理也。下文五百領解。舉衣珠爲譬。亦是約理也。此隨文相一往而說。仍一一文。並具四。並是如來能知。衆生不知。知卽開佛知見。

矣。初立譬竟

(丑)二法合二初正合二舉譬帖合 (丑)初中二初
合導師譬二合將導譬 (寅)今初

諸比丘。如來亦復如是。今爲汝等作大導師。知諸生死煩惱惡道險難長遠應去應度

如來合導師也。汝等合多衆也。生死合果險難。煩惱合因險難也。長遠合五百由旬也。應去應度合善知通塞之相。亦合欲至寶處也。

(寅)二合將導譬

若衆生但聞一佛乘者。則不欲見佛。不欲親近。便作是念。佛道長遠。久受勤苦。乃可得成。佛知是心怯弱。下劣。以方便力。而於中道爲止息故。說二涅槃。若衆生住於二地。如來爾時。即便爲說。汝等所作未辦。汝所住地。近於佛慧。當觀察籌量。所得涅槃。非真實也。但是如來方便之力。於一佛乘。分別說三。

若衆生三字。合所將人衆譬也。但聞一佛乘至。乃可得成。合中路解退譬也。佛知是心至。說二涅槃。合化作一城譬也。已出同居。未到實報。兩楹之間。

名爲中道。有餘無餘。名二涅槃。亦是聲聞緣覺。二人所證。名二涅槃也。若衆生住於二地以下。令滅化引至寶所。譬也。初正合竟。

(丑)二舉譬帖合

如彼導師爲止息故。化作大城。既知息已。而告之言。寶處在近。此城非實我化作耳。

化作大城帖合施三。寶處在近。帖合顯一。初廣述竟。

(辛)二重頌二。初頌結緣之由。二頌正結緣 (壬)初

中二。初頌遠由。二頌近由 (癸)初又二。初頌大通智勝成佛。二頌十方梵王請法 (子)今初爾時世尊。欲重宣此義。而說偈言。

大通智勝佛。十劫坐道場。佛法不現前。不得成佛道。諸天神龍王。阿修羅等衆。常雨於天華。以供養彼佛。諸天擊天鼓。并作衆伎樂。香風吹萎華。更雨新好者。過十小劫已。乃得成佛道。諸天及世人。心皆懷踊躍。彼佛十六子。皆與其眷屬。千萬億圍繞。俱行至佛所。頭面禮佛足。而請轉法輪。聖師子法雨。充我及一切。

初三偈頌第二成道前事。次一偈頌第三正明成道後二偈頌第五請轉法輪。兼第四卷屬供養略不頌第一佛壽長遠也。

(子)二頌十方梵王請法二。初頌威光照動。二頌梵

王來請 (丑)今初

世尊甚難值。久遠時一現爲覺悟羣生。震動於一切。

(丑)二頌梵王來請

東方諸世界五百萬億國。梵宮殿光曜昔所未曾有。諸梵見此相尋來至佛所。散華以供養。并奉土宮殿。

請佛轉法輪。以偈而讚歎。佛知時未至。受請默然坐。

三方及四維上下亦復爾。散華奉宮殿。請佛轉法輪。

世尊甚難值。願以本慈悲廣開甘露門。轉無上法輪。

前三偈頌東方。後二偈總頌九方也。初頌遠由竟

(癸)二頌近由二。初頌轉半字法輪。二頌轉廢半明

、滿法輪 (子)今初

無量慧世尊。受彼衆人請。爲宣種種法。四諦十二緣。無明至老死。皆從生緣有。如是衆過患汝等應當知。宣暢是法時。六百萬億垓得盡諸苦際。皆成阿羅漢。

第二說法時。千萬恒沙衆。於諸法不受。亦得阿羅漢。從是後得道。其數無有量。萬億劫算數。不能得其邊。初半偈頌受請。次偈半頌正轉。後三偈頌聞法得道。言無明至老死。皆從生緣有者。謂此有故。彼有卽指無明爲行之生緣。行爲識之生緣。乃至生爲老死之生緣也。知其過患。則當用觀智力滅彼無明。此滅故彼滅矣。

子二頌轉廢半明清法輪

時十六王子出家作沙彌。皆共請彼佛演說大乘法。

我等及營從。皆當成佛道。願得如世尊慧眼第一淨佛知童子心。宿世之所行。以無量因緣種種諸譬喻。說六波羅密及諸神通事。分別真實法。菩薩所行道。說是法華經。如恒河沙偈。彼佛說經已。靜室入禪定。一心一處坐。八萬四千劫。

初二句頌第一。諸子出家。次六句頌第二。請法略不頌。第三所將亦出家。但以營從二字該之。佛知下二偈頌。第四受請中二萬劫。先說方等般若。次二句頌受請正說法華略不頌。第五有解不解及

第六時節後一偈頌第七說已入定也。初頌結緣之由竟

(壬)二頌正結緣二初頌法說二頌譬說 (癸)初中

三初頌昔共結緣二頌中間更相值遇三頌今

日還說法華 (子)今初

是諸沙彌等知佛禪未出爲無量億衆說佛無上慧各各坐法座說是大乘經於佛宴寂後宣揚助法化一一沙彌等所度諸衆生有六百萬億恒河沙等衆

(子)二頌中間更相值遇

彼佛滅度後是諸聞法者在在諸佛土常與師俱生

(子)三頌今日還說法華二初頌結會古今二頌正

明還說法華 (丑)今初

是十六沙彌具足行佛道今現在十方各得成正覺。

爾時聞法者各在諸佛所其有住聲聞漸教以佛道我在十六數曾亦爲汝說是故以方便引汝趣佛慧。

初一偈頌結師之古今次二偈但頌會現在弟子古今略不頌未來弟子也。

(丑)二頌正明還說法華

以是本因緣。今說法華經。令汝入佛道。慎勿懷驚懼。

但頌應時故說略。不頌釋開三意。初頌法說竟。

(癸)二頌譬說。二初頌立譬。二頌法合。③初中二。

初頌導師譬。二頌將導譬。

⑤今初

譬如險惡道。迥絕多毒獸。又復無水草。人所怖畏處。無數千萬衆。欲過此險道。其路甚曠遠。經五百由旬。時有一導師。強識有智慧。明了心決定。在險濟衆難。長文云。曠絕無人。今頌云。迥絕多毒獸。人譬菩提。涅槃。獸譬煩惱生死。獸多且毒。正以小機見思惑。

重五濁障深。不得行大直道也。求譬禪定。草譬智慧。強識二句。頌聰慧明達。在險一句。頌善知險道通塞之相。餘可知。

(丑)二頌將導譬。二初頌所將人衆中路懈退。二頌滅化引至寶所。④寅初中二。初頌衆人退大。二頌導師接小。⑤今初

衆人皆疲倦。而白導師言。我等今頓乏於此。欲退還。(卯)二頌導師接小。又二初頌方便設化。二頌歡喜。

前入

辰)今初

導師作是念。此輩甚可愍。如何欲退還。而失大珍寶。
 尋時思方便。當設神通力。化作大城郭。莊嚴諸舍宅。
 周市有園林。渠流及浴池。重門高樓閣。男女皆充滿。
 卽作是化已。慰衆言勿懼。汝等入此城。各可隨所樂。
 內曰城外曰郭。譬有餘無餘。二涅槃也。舍譬二乘。
 生緣慈悲宅。譬二乘生空智境。園林譬二乘總持。
 無漏法林渠流。譬九次第定。浴池譬八解脫。重門
 譬空無相無願。三昧門。亦譬二乘重空三昧。謂
 生空法空。乃至無願亦無願也。與大乘二空不同高樓閣。

譬盡智無生智。迥出三界也。男譬慧行。女譬禪定。

觀心釋者。智體周備如城。善法圓足如郭。畢竟空
 為舍宅。性具萬行爲園林。九種大禪爲渠流浴池。
 生法二空爲重門。一心三智爲高樓閣。直善能成
 自行。如男幹家。慈悲能外化他。如女外適。觀心釋化亦通

四教今
須約圓

辰二頌歡喜前入

五藏歸真衣其六難

諸人旣入城。心皆大歡喜。皆生安隱想。自謂已得度。
 初頌所將人衆中路懈退竟。

(寅)二頌滅化引至寶所

導師知息已集衆而告言汝等當前進此是化城耳
我見汝疲極中路欲退還故以方便力權化作此城
汝今勤精進當共至寶所

初頌立譬竟

(子)二頌法合二初頌正合二頌舉譬帖合 (丑)初

中二初頌合導師二頌合將導 (寅)今初

我亦復如是爲一切導師

(寅)二頌合將導

見諸求道者中路而懈廢不能度生死煩惱諸險道
故以方便力爲息說涅槃言汝等苦滅所作皆已辦
旣知到涅槃皆得阿羅漢爾乃集大衆爲說真實法
諸佛方便力分別說三乘唯有一佛乘息處故說二
今爲汝說實汝所得非滅爲佛一切智當發大精進
汝證一切智十力等佛法具三十二相乃是真實滅
初一句頌合所將人衆次三句頌合中路懈退次
一偈頌合方便設化次四偈頌合滅化引至寶所
也三乘約能趣權行二約所趣權理卽有餘無餘

之二亦聲聞緣覺果證之二也。一切智是般若。三十二相是法身。真實滅是解脫。三德不縱不橫。卽是知來秘密之藏。又一切智。卽法性識。十力等。卽法性受想行。三十二相。卽法性色。獲得究竟常樂。我淨法性五陰。盡未來際不生不滅。乃名爲真實滅。是同二乘妄計灰斷。仍受變易生死耶。初頌正合竟。

(丑)二頌舉譬帖合

諸佛之導師爲息說涅槃。旣知是息。已引入於佛慧。

初二句帖合施權次二句帖合顯質也。二因緣說周中初正說因緣竟。

妙法蓮華經台宗會義卷三之二

助刻芳名

居士徐桂蕃助銀二兩

馬如飛助銀一兩

周淨灝助一兩八錢

康國禎助銀一兩

羅士科助銀五錢

周中壘助銀五錢

周萬濱助銀五錢

李之盛助銀五錢

周煥寵助銀五錢

李之申助銀五錢

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

活華會記

四十一

張真果助銀三錢

李生元助銀三錢

湛淨心助銀三錢

張如齡助銀二錢

查士元助銀二錢

王玄志助銀二錢

去董率里中元會

周中添正端因緣意

添正合誠善大二月合誠善正二因緣意

60

1 2 3 4 5 6 7 8 9

10

1 2 3 4 5 6 7 8 9

10

1 2 3 4 5 6 7 8 9

10

1 2 3 4 5 6 7 8 9

10

サ

十

法華館藏